



宋槧太平御覽



1卷3
403
21



庚戌以兵部侍郎翰林學士韋處厚爲中書侍郎同中書門下平章事大和元年二月乙巳御丹鳳樓大赦改元六月詔元和長慶中皆因用兵權以濟事所下制勅難以通行宜令尚書省取元和已來制勅參詳刪定訖送中書門下議定聞奏甲戌以旱放繫囚七月李同捷除兗海不受詔結幽鎮謀叛徐州王智興請全軍討之帝自撰集尙書中君臣事迹命畫工圖寫於大液亭朝夕觀覽三年五月己卯柏耆斬李同捷於將陵滄景平丁亥御興安樓受滄州所獻俘九月勅兩軍諸司內官不得着紗縠綾羅等衣服帝性儉素不喜華侈駙馬韋處仁戴夾羅巾帝謂之曰比慕卿門地清素以之選尚如此巾服從他諸戚爲之唯卿非所宜也十一月甲午帝親祀昊天上帝於南郊禮畢御丹鳳樓大赦禁止奇貢四方不得以雜樣織成非常之

物爲獻十二月蠻陷印雅等州戊午以右領軍衛大將軍董重質充神策西川行營都知兵馬使蠻陷成都府入梓州西郭門下營又詔促諸鎮兵救援兩川乙巳郭釗奏蠻退遣使賜蠻帥蒙筵顛國信四年四月詔曰儉以足用令出唯行著在前經斯爲理本朕自臨四海愍元元之久困日昃忘食宵興疚懷雖絕文繡之飾尙愧茅茨之儉示喻卿士形于詔條如聞積習流弊餘風未革車服第室相高以華靡之制資用貨寶固啓於貪冒之源有司不禁侈俗滋扇蓋朕教導之未敷使兆庶昧於耻尚也其何以足用行令臻于致理歟永念慙嘆迨茲申勅自今內外班列職位之士各務素朴弘茲國風有僭差尤甚者御史糾上主者宣示知朕意焉上承長慶寶曆奢靡之風銳意懲革躬行儉素以率勵之五年春正月庚子朔以積陰旬浹罷元

會太原旱賑粟十萬石二月神策中尉王守澄奏宰相宋
申錫與漳王謀反即令追捕庚子詔貶宋申錫爲太子右
庶子壬寅左常侍崔玄亮及諫官等十四人伏奏玉陛北
軍所告事請不於內中鞠問乞付法司帝曰吾謀於公卿
矣卿等且退崔玄亮泣涕陳諫久之帝改容勞之曰朕卽
與宰臣商議玄亮等方退癸卯詔漳王庭湊可降爲巢縣
公宋申錫開州司馬同正初京師恂恂以宰相實聯親王
謀逆三四日後方知誣搆人士側目於守澄鄭注故諫官
號泣論之申錫方免其禍六年春正月乙未朔以久雪廢
元會壬子詔朕聞天聽自我人聽天視自我人視朕之菲
德涉道未明不能調序四時導迎和氣自去冬已來踰月
雨雪寒氣尤甚頗傷于和念茲庶民或罹凍餒無所假貸
莫能自存中宵載懷肝食興嘆怵惕若厲時予之辜思弘

惠澤以順時令天下死罪囚除官典犯賊故意殺人外並
降從流流己下遞降一等七年正月詔曰朕承上天之睠
佑荷列聖之丕圖宵旰憂勞不敢暇逸思致康乂八年于
茲而水旱流行疾疫作沴兆庶艱食札瘥相仍蓋德未動
天誠未感物一類失所其過在予載懷罪己之心深軫納
隍之慮如聞關輔河東去年亢旱秋稼不登今春作之時
農務尤切若不能賑救懼至流亡京兆府賑粟十萬石河
中府絳州各賜七萬石同華陝虢晉等州各賜十萬石並
以常平義倉物充七月以旱命京城諸司疏決繫囚閏七
月乙卯詔曰朕嗣守丕圖覆軀生類競業寅畏上承天休
而陰陽失和膏澤愆候害我稼穡災于黔黎有過在予敢
忘咎責從今避正殿減供膳停教坊樂廐馬量減芻粟百
司廚饌亦宜權減陰陽鬱堙有傷和氣宜出宮女千人五

太平御覽 卷一百一十五 三
坊鷹犬量須減放內外修造事非急務者並停八月甲申御宣政殿冊皇太子永是日降詔應犯死罪降從流流已下遞減一等九年冬十月內出曲江新造紫雲樓彩霞亭額左軍中尉仇士良以百戲於銀臺門迎之時鄭注言秦中有災宜興土功以厭之乃濬昆明曲江二池上好爲詩每誦杜甫曲江行云江頭宮殿鎖千門細柳新蒲爲誰綠乃知天寶已前曲江四岸皆有行宮臺殿百司廨署思復昇平故事故爲樓殿以壯之王涯獻摧茶之利乃以涯爲摧茶使茶之有稅自涯始十一月壬戌中尉仇士良率兵誅宰相王涯賈餗舒元興李訓王璠郭行餘鄭注羅立言李孝本韓約等十餘家皆族誅時李訓鄭注謀內官詐言金吾仗舍石榴樹有甘露請上往觀之內官先至金吾仗見幕下伏甲遽扶帝輦入內故訓等敗流血塗地京師大

駭旬日稍安十二月庚辰上御紫宸殿謂宰相曰坊市之間人漸安未李石奏曰人情雖安然刑殺過多致此陰沴又聞鄭注在鳳翔募兵不少今皆被刑戮臣恐乘此生事切宜原赦以安之上曰然鄭覃又陳理道上曰我每思貞觀開元之時觀今日之事往往憤氣填膺耳開成元年正月辛丑帝常服御宣政殿受朝賀遂宣詔大赦天下改元乙巳上御紫宸對宰臣李石奏曰陛下改元御殿人情大悅全放京兆一年租賦又停四節進奉恩澤所該實當要切帝曰朕務行其實不欲崇長空文石曰赦書須內留一本陛下時看之又十道黜陟使發日更付與公事根本令向外與長吏詳擇施行方盡利害之要矣二年三月戊辰夜華長八丈有餘西北行東指在張十四度壬申詔曰朕嗣守丕構對越上玄虔恭寅畏于今一紀何嘗不宵衣念

道吳食思愆師周文之小心慕易乾之夕惕懼德不類貽
列聖羞將欲俗致和平時無殃咎然誠未格物謫見于天
仰愧三靈俯慙庶彙思獲攸濟浩無津涯昔宋景發言星
因退舍魯僖納諫飢不害人取鑒往賢深惟自勵載軫在
予之責宜降恤辜之恩式表躬憂冀荅昭誠天下死罪降
從流流已下並釋放三年九月上以皇太子慢遊敗度欲
廢之中丞狄兼謨垂涕切諫是夜移太子於少陽院殺太
子宮人左右數十人十月皇太子薨于少陽院謚曰莊恪
十一月乙卯夜彗孛東西竟天壬戌詔曰上天蓋高感應
必由乎人事寰宇雖廣理亂盡繫於君心從古已來必然
之義朕嗣膺寶位十有三年常尅己以虔恭每推誠於衆
庶將以導迎休應漸致輯熙期克荷於宗祧思保寧於華
夏而德有所未至信有所未孚災氣上騰天文譎見再周

暮月重擾星躔當求衣之時觀垂象之變兢懼惕厲若蹈
泉谷是用舉成湯之六事念宋景之一言詳求譴咎之端
採聽銷襜之術必有精理蘊於衆情冀屈法以安人爰恤
刑而原下應犯死罪並降從流流已下遞減一等五年春
正月戊寅上不康不受朝賀辛巳崩于大明宮之太和殿
謚曰元聖昭獻皇帝廟號文宗葬章陵

武宗昭肅皇帝

唐書曰武宗昭肅皇帝諱炎穆宗第五子母曰宣懿皇后
韋氏元和九年六月十三日生於東宮長慶元年三月封
穎王本名灑初文宗追悔莊恪太子殂不由道乃以敬宗
子陳王成美爲皇太子開成四年冬十月宣制未遑冊禮
五年正月文宗暴疾宰相李珣樞密劉弘季奉密旨以皇
太子監國兩軍中尉仇士良魚弘志矯詔迎穎王於十六

太平御覽 卷一百一十五 五
宅曰朕自嬰疾疥有加無瘳懼不能躬總萬機日釐庶政稽于古訓謀及大臣用建親賢以貳神器親弟潁王漣昔在藩邸與朕嘗同師訓動成儀矩性稟寬仁俾奉昌圖必諧人欲可立爲皇太弟一應軍國政事便令權勾當百辟卿士中外庶臣宜竭乃心輔成予志陳王成美先立爲皇太子以其年尚冲幼未漸師資比日重難不遑冊命迴踐諸邸式協至公可復封陳王四日文宗崩宣遺詔皇太弟宜於柩前卽皇帝位宰相楊嗣復攝冢宰十四日受冊於正殿年二十七二月制穆宗妃韋氏追謚宣懿皇太后帝之母也上御正殿降德音以開府右軍中尉仇士良封楚國公右軍中尉魚弘志爲韓國公太常卿崔郾戶部尙書判度支崔珙並本官同中書門下平章事帝在藩邸時頗好道術修攝之事是秋召道士趙歸真八十一人入禁中

於三殿修金籙道場乃幸三殿於九天壇親受法籙右拾遺王哲上疏言王業之初不宜崇信過當疏奏不省會昌元年正月庚戌有事于南郊禮畢御丹鳳樓大赦天下改元二月以淮南節度使李紳爲中書侍郎同平章事二年四月司空平章事李德裕等上章請加尊號曰仁聖文武至神大孝皇帝戊寅御宣政殿受冊八月迴鶻烏介可汗過天德至杞頭烽北俘掠雲朔北川詔劉沔出師守鴈門諸關迴鶻首領屈武降幽王授左武衛將軍詔以迴鶻犯邊漸侵內地或攻或守於理何安令少師牛僧孺陳夷行與公卿集議可否以聞僧孺曰今百寮議狀固守關防俟其可擊則用兵宰相李德裕議以迴鶻所恃者嗚沒赤心耳今已離叛其疆弱之勢可見戎人獷悍不顧成敗以失二將乘忿入侵出師急擊破之必矣守險恃弱虜無由退

擊之爲便天子以爲然乃徵發許蔡汴滑等六鎮之師以太原節度使劉沔爲迴鶻南面招討使以張仲武爲幽州盧龍節度使充迴鶻東面招討使以李思忠爲迴鶻西南面招討使皆會軍於太原十月幸涇陽校獵白鹿原諫議大夫高少逸鄭昉等於閣內論陛下校獵太頻出城稍遠萬機廢弛晨出夜歸方用兵師且宜停止上優勞之諫官出上謂宰臣曰諫官甚要朕時聞其言庶幾減過三年春正月以宿師于野罷元會二月太原劉沔奏至大同軍遣石雄襲迴鶻牙帳大敗迴鶻於殺胡山其烏介可汗被瘡而走已迎得太和公主至雲州是日御宣政殿百寮稱賀三月太和公主至京師百官班于章敬寺迎謁仍令所司告憲宗穆宗二室四月昭義節度使劉從諫卒三軍以從諫姪積爲兵馬留後上表請授節鉞尋遣中使賫詔潞府

令積護從諫之喪歸洛陽積拒朝旨尋以成德軍節度使王元逵魏博節度使何弘敬並以本官充招討澤潞使四年三月以道士趙歸真爲左右街道門教先生時帝志學神仙師歸真歸真乘寵每排毀釋氏言非中國之教蠹耗生靈盡宜除去帝頗信之七月王元逵奏邢州刺史裴問別將高元武以城降洛州刺史王釗磁州刺史安玉皆以城降何弘敬山東三州平潞州大將郭誼張谷陳揚廷遣人至王宰軍請殺劉積以自贖王宰以聞乃詔石雄率軍三千入潞州郭誼斬劉積首以迎雄澤潞五州平八月王宰傳積首與大將郭誼等一百五十人露布獻於京師上御安福門受俘百寮樓前稱賀十月車駕幸鄆縣十一月幸雲陽五年正月宰臣李德裕杜悰等率文武百寮上徽號曰仁聖文武章天成功神德明道皇帝辛亥有事於郊

廟禮畢御承天門大赦天下秋七月庚子勅併省天下佛寺所拆寺四千六百餘所還俗僧尼二十六萬五百人收充兩稅戶拆招提蘭若四萬餘所收膏腴上田數千萬頃收奴婢爲兩稅戶十五萬人六年三月壬寅上不豫制改御名曰炎帝重方士頗服食修攝親校法錄至是藥躁喜怒失常既篤旬日不能言宰相李德裕等請見不許中外莫知安否人情危懼是月二十三日宣遺詔以皇太叔光王柩前卽位是日崩年三十三謚曰至道昭肅孝皇帝廟號武宗葬端陵

宣宗獻文皇帝

唐書曰宣宗獻文皇帝諱忱憲宗第十三子母曰孝明皇后鄭氏元和五年六月生於大明宮長慶元年三月封光王名怡會昌六年三月武宗疾篤宣遺詔立爲皇太叔權

勾當軍國政事翌日卽帝位改今名時年三十七帝外晦而內卽嚴重寡言視瞻特異幼時宮中以爲不惠十餘歲時遇重疾沉綴忽有光輝燭身蹙然而興正身拱揖如對臣寮乳媪以爲心疾穆宗往視之撫其背曰此吾家英物非心憊也賜以玉如意御馬金帶嘗夢乘龍昇天言之於鄭太后乃曰此不宜人知母幸勿復言歷大和會昌朝愈事韜晦群居游處未嘗有言文宗武宗幸十六宅宴集疆誘其言以爲戲劇謂之光叔武宗氣豪尤不爲禮及監國之日哀毀滿容接待羣寮決斷庶務人方見其隱德焉四月辛未釋服尊母鄭氏曰皇太后以兵部侍郎翰林學士承旨白敏中同中書門下平章事大中元年正月有事於郊廟禮畢御丹鳳樓大赦改元帝雅好儒士留心貢舉有時微行人間探聽輿論以觀選士之得失每山池曲宴與

學士詩什屬和公卿出鎮亦賦詩餞行凡對臣寮肅然拱
揖鮮有輕易之言大臣或獻章疏卽燒香盥手受而覽之
當時以大中之政有貞觀之風焉閏三月勅會昌季年併
省寺宇雖云異方之教無損爲理之源中國之人久行其
道釐革過當事體未弘其靈山勝境天下州府應會昌五
年四月所廢寺宇如有宿舊名僧復能修創一任住持所
司不得禁止七月太子少保分司東都衛國公李德裕爲
人所訟貶潮州司馬員外置二年春正月宰相率文武百
寮上徽號曰聖敬文思和武光孝皇帝御宣政殿受冊三
年春正月涇原節度康季榮奏吐蕃宰相論恐熱以秦原
安樂三州及石門等七關之兵民歸國詔太僕卿陸耽往
喻旨仍令靈武節度使朱叔明邠寧節度使張景緒各出
本道兵馬應接六月康季榮奏收復原州城及石門驛藏

木峽制勝六盤石峽等六關訖邠寧張景緒奏收復蕭關
勅於蕭關置武州改樂安爲威州七月三州七關軍人百
姓皆河隴遺黎數千人見于闕下上御延喜門撫慰令其
解辦賜之冠帶共賜絹十五萬匹八月鳳翔節度使李珣
奏收復秦州制曰自昔皇王之有國也何嘗不文以守成
武以集事參諸二柄歸于大寧朕猥荷丕圖思弘景運憂
勤戒惕四載于茲每念河湟土疆綿亘遐闊洎天寶末犬
戎乘我多難無方禦姦遂縱腥羶不遠京邑事更十葉時
近百年進士試能靡不竭其長策朝廷下議皆亦聽其直
詞盡以不生邊事爲永圖且守舊地爲明理荏苒於是收
復無由今者天地儲祥租宗垂祐左衽輸款邊壘連降刷
耻建功所謀必尅實賴樞衡妙筭將帥雄稜副玄元不爭
之文絕漢武遠征之悔甌脫頓空於內地斥候全據於新

封莫大之休指期而就況將士等櫛沐風雨暴露郊原披
荆榛而刁斗夜嚴逐豺狼而穹廬曉破動皆如意古無與
京念此誠勤宜加寵賞涇原宜賜絹六萬匹靈武五萬匹
鳳翔邠寧各四萬匹嗚呼七關要害三郡膏腴候館之殘
趾可尋唐人之遺風尚在追懷往事良用興嗟夫取不在
廣費保其金湯得必有時詎計於遲速今則便務修築不
進干戈必使足食足兵有備無患載洽亭育之道永置生
靈之安中外臣寮宜體朕意十二月追謚順宗曰至德大
聖大安孝皇帝憲宗曰昭文章武大聖孝皇帝初以河湟
收復百寮請加徽號帝曰河湟收復繼成先志朕欲追尊
祖宗以昭功烈白敏中等對曰非臣等愚昧所能及至是
上御宣政殿行事及冊出上俯僂目送流涕嗚咽四年春
正月以追尊二聖御正殿大赦天下五年八月汝州刺史

張義潮遣兄義澤以瓜沙伊肅等十一州戶口來獻自河
隴陷蕃百餘年至是悉復隴右故地八年正月陝州黃河
清二月南蠻進犀牛詔還之十一年九月右補闕陳轅左
拾遺王譜右拾遺薛廷傑上疏諫遣中使往羅浮山迎軒
轅先生上曰朕以萬機事繁躬親庶務訪聞羅浮山處士
軒轅集善能攝生年齡亦壽乃遣使迎之或冀有少保理
也朕每觀前史見秦皇漢武爲方士所惑常以之爲誠卿
等位當論列職在諫司閱視來章深納誠意仍謂崔慎由
曰爲吾言於諫官雖少翁樂大復生不能相惑如聞軒轅
生高士欲與之一言耳十二年春正月羅浮山人軒轅集
至京師上召入禁中謂曰先生遐壽而長生可致乎曰徹
聲色去滋味哀樂如一德施周給自然與天地合德日月
齊明何必別求長生耶留之月餘堅求還山十三年五月

上不豫月餘不能視朝八月宣遺詔立鄆王爲皇太子勾當軍國事是日崩于大明宮聖壽五十謚曰聖武獻文孝皇帝廟號宣宗葬貞陵

懿宗恭惠皇帝

唐書曰懿宗恭惠皇帝諱灌宣宗長子母日元昭皇太后晁氏大和七年十一月生於藩邸會昌六年十月封鄆王本名溫大中十三年八月遺詔立爲皇太子監國改今名十三日即帝位時年二十七帝姿貌瑰傑有異稠人藩邸時嘗經重疾郭淑妃侍醫藥見黃龍出入於卧內既間妃以異告帝曰慎勿復言又嘗大雪數尺而帝寢室之上獨無人皆異之宣宗製秦邊陲樂曲詞有海嶽晏咸通之句又大中末京城小兒疊布漬水紐之向日謂之投暈帝果以鄆王卽大位以咸通爲年號九月釋服追尊母后晁氏

爲太后謚曰元昭咸通元年春正月上御紫宸殿受朝十一月丁未有事於郊廟禮畢御丹鳳門大赦改元二年九月林邑蠻寇安南府遣神策將軍康承訓率禁軍及江西湖南之兵赴援三年春正月左僕射門下侍郎平章事杜悰率百寮上徽號曰獻文明聖孝德皇帝四年春正月庚午有事于圓丘禮畢御丹鳳門大赦五年四月南蠻寇邕管以秦州經略使高駢率禁軍五千赴邕管會諸道之師禦之五月制朕以寡昧獲承高祖太宗之丕構六載於茲矣罔暇遊是娛罔聲色是縱罔刑戮是濫罔邪佞是惑蚤夜悚惕以憂以勤庶幾乎八表用康兆人以泰而西戎款附北狄懷柔獨唯南蠻奸宄不率侵陷交趾突犯朗寧爰及雋州亦用攘寇勞我士卒興吾甲兵騷動黎元役力飛輓每一軫念憫然疾懷願惟生人罹此愁苦宜布自天之

澤俾垂及物之仁如聞湖南桂州是嶺路係口諸道兵馬
綱運無不經過頓遞供承動多差配凋傷轉甚宜有特恩
應潭桂兩道各賜錢三萬貫以助軍錢以充館驛息利本
錢其江陵江西鄂州三道比於潭桂徭配稍簡宜令本道
觀察使詳其閒劇准此例與置本錢黎嶠等州因蠻寇殺
傷宜令本道收拾埋瘞六年秋高駢自海門進軍破蠻軍
收復安南府自李琢失政交阯陷沒十年蠻軍北寇邕容
界人不聊生至是方復故地七年十月安南都護高駢奏
蠻寇悉平十一月御宣政殿大赦以復安南故也九年七
月徐州赴桂林戍卒五百人官健許佶趙可立殺其主將
王仲甫以糧料判官龐勛爲部頭剽掠湘潭衡山兩縣有
衆千人擅還本鎮九月甲午龐勛陷宿州知州判官焦璐
奔歸于徐乙未龐勛陷徐州十年九月賊守將張玄稔以

城降有兵萬人馬舉率師赴之龐勛聞之以其衆將攻玄
稔玄稔賊之勁將也遂與舉合勢急圍徐州許佶登城拒
守者三日佶敗出走稔收復徐州龐勛方來赴援聞城已
拔欲南趨濠州馬舉追及渙河擊敗之勛溺水而死蕭縣
主將又斬許佶首來降徐寇悉平十一月南詔蠻驃信坦
綽酋龍率衆二萬寇嵩州十二月勅荆南節度使杜悰據
司天奏有小孛星氣經歷分野恐有外夷兵火之患緣邊
藩鎮最要隄防宜訓習師徒增築城堡凡關制置具事以
聞十一年八月同昌公主薨追贈衛國公主謚曰文懿主
郭淑妃所生上尤鍾念悲惜異常以待詔韓宗紹等醫藥
不効殺之收捕其親族三百餘人繫京兆府宰相劉瞻京
兆尹溫璋上疏論諫行法太過上怒十二年春正月宰相
路巖率文武百寮上徽號曰睿文英武明德至仁大聖廣

孝皇帝御含元殿冊禮畢大赦五月庚申勅慎恤刑獄大
易格言語曰如得其情則哀矜而勿喜而獄吏苛刻務在
舞文守臣因循罕聞視事以此械繫之輩溢於狴牢追捕
之徒繁於簡牘實傷和氣用致沴氛況時屬燬蒸化先茂
育並赦罪戾式順生成應天下所禁繫罪人除十惡五逆
故意殺人外餘並宜疎理釋放十四年六月帝不豫七月
戊寅疾大漸制立晉王儼爲皇太子權勾當軍國政事辛
巳遣詔曰皇太子儼性稟寬和生知忠孝德苞睿哲聖表
徇齊必能揚祖宗之重光荷邦家之不構宜令所司具禮
於柩前卽皇帝位是日崩于咸寧殿聖壽四十一謚曰睿
文昭聖恭惠孝皇帝廟號懿宗葬于簡陵

太平御覽卷第一百一十五

太平御覽卷第一百一十六

皇王部四十一

唐僖宗恭定皇帝 黃巢附

昭宗景文皇帝 哀帝

僖宗恭定皇帝

唐書曰僖宗恭定皇帝諱儼懿宗第五子母曰惠安皇后
王氏咸通三年五月生於東內初封晉王名儼十四年十
月懿宗疾大漸其月十八日制曰朕守大器之重居兆人
之上日慎一日如履如臨旰吳勞懷寢興思理涉道猶淺
導化未孚而攝養乖方寒暑成癘實有慮於闕政且無暇
于怡神音未少瘳日加寢劇萬務繁總須有主張爰考舊
章謀于卿士思闡鴻業式建皇儲第五男晉王儼改名儼
孝敬溫恭寬和博厚日新令德天假英姿言皆中規動必

由禮俾崇邦本允叶人心宜立爲皇太子權勾當軍國政
事咨爾群公卿士洎于腹心之臣敬保元子輔成予志各
竭乃心以安黎獻是日懿宗崩卽皇帝位于柩前年十二
左軍中尉劉行深右軍中尉韓文約居中執軍政並封國
公八月皇帝釋服冊聖母王氏爲皇太后河南大水九月
守司空門下侍郎平章事韋保衡貶賀州刺史乾符元年
十一月庚寅上有事於郊廟禮畢御丹鳳門大赦改元二
年春正月己丑宰相崔彥昭率文武百官上尊號上御正
殿受冊四月海賊王郢攻剽浙西郡邑五月濮州賊首王
仙芝聚徒於長垣縣其衆三千進陷濮州俘丁壯萬人鄆
州節度使牛勣出兵擊之爲賊所敗三年七月王仙芝寇
掠河南十五州其衆數萬是月賊逼潁許攻攜曲下之四
年三月冤胸賊黃巢聚衆萬人攻鄆州陷之七月黃巢自

沂海其徒數萬趨潁蔡入查牙山遂與王仙芝合七月賊
陷隋州五年二月王仙芝餘黨攻江西招討使宋威出軍
屢敗之仍宣詔書招諭仙芝仙芝致書於威求節鉞威僞
許之仙芝令其大將尙君長蔡溫玉奉表入朝威乃斬君
長溫玉以徇仙芝怒急攻洪州陷其郭宋威赴援與賊戰
大敗之殺仙芝傳首京師廣明元年春正月乙卯朔上御
宣政殿改元二月黃巢自衡永州下嶺陷湖南江西屬郡
三月黃巢尙讓東下攻鄂州陷江南饒信等十五州七月
渡江寇淮南十月仍悉衆渡淮巢自號率土大將軍其衆
富足自淮已北整衆而行不剽財貨唯驅丁壯爲兵十一
月陷東都留守劉允章率分司官屬迎謁之賊供頓而去
坊市晏然壬申陷虢州丙子犯潼關守關諸將望風自潰
十二月辛巳賊據潼關時左軍中尉田令孜專政宰相盧

攜曲事之相與誤謀以至傾敗令致恐衆罪加己請貶攜
官命學士王徽裴徹爲相甲申宣制以戶部侍郎翰林學
士王徽裴徹同平章事貶右僕射門下侍郎平章事盧攜
爲太子賓客攜聞賊至仰藥而死是日上與諸王后妃數
百騎自子城由含光殿金光門出幸山南文武百寮不之
知並無從行者京城晏然是日晡晚賊入京城時右驍衛
大將軍張直方率武官十餘迎黃巢於城頭壬辰黃巢據
大內僭號大齊稱年號金統悉陳文物據丹鳳門僞赦中
和元年春正月車駕在興元六月車駕幸成都府西川節
度使陳敬瑄自來迎奉之乙卯車駕至西蜀丁巳御成都
府改廣明二年爲中和元年大赦天下二年春正月天下
勤王之師雲會京畿京師食盡賊食樹皮以金玉買人於
行營之師人獲數百萬山谷避亂百姓多爲諸軍之所執

賣八月庚子賊同州防禦使朱溫殺其監軍嚴實與大將
胡眞謝曠等來降王鐸承制拜溫華州刺史三年四月庚
子沙陁忠武義成義武等軍趨長安賊悉衆拒之於渭橋
大敗而還李克用乘勝追之己卯黃巢收其殘衆由藍田
關而遁庚辰收京城天下行營兵馬都監楊復光上章告
捷行在四年七月癸酉賊將林言斬黃巢黃揆黃秉三人
首級降時溥初徐將李師悅與賊戰于瑕丘賊殊死戰其
衆殆盡林言與巢走至太山狼虎谷之襄王村懼追至併
命乃斬賊降師悅壬午捷書至行在十二月丁亥朔大明
宮留守王徽與留司百官上表請車駕還宮詔以來年正
月還京光啓元年春正月車駕在成都府己卯還京三月
丁卯車駕至京師御宣政殿大赦改元時李昌符據鳳翔
王重榮據蒲陝諸葛爽據河陽洛陽孟方正據邢洺李克

用據太原上黨朱全忠據汴滑秦宗權據許蔡時溥據徐泗朱瑄據鄆齊曹濮王勣武據淄青高駢據淮南八州秦彥據宣歙劉漢宏據浙東皆自擅兵賦迭相吞噬朝廷不能制江淮轉運路絕兩河江淮賦不上供但歲時獻奉而已國命所能制者河西山南劍南嶺南西道數十州大約郡將自擅常賦殆絕藩侯廢置不自朝廷王業於是蕩然五月宰臣蕭遘率文武百寮上徽號曰至德光烈孝皇帝御宣政殿受冊大赦十二月乙亥沙陀逼京師田令孜奉僖宗出幸鳳翔初黃巢據京師九衢三內宮室宛然及諸道兵破賊爭貨相攻縱火焚剽宮殿居屋市里十焚六七賊平之後令京兆尹王徽經年補葺僅獲安堵至是亂兵復焚宮闕蕭條鞠爲茂草矣三年春正月車駕在鳳翔李克用旋師河中與朱玫王重榮同上表請駕駐蹕鳳翔仍

數日令孜之罪乃以飛龍使楊復恭知內樞密事戊子田令孜迫乘輿請幸興元庚寅車駕次寶雞授刑部尚書孔緯兼御史大夫令率從官赴行在時車駕夜出宰相蕭遘裴徹鄭昌國及文武百寮不之知扈從不及故令孔緯從之蕭遘惡令孜弄權稱亂京國因邠州奏事判官李松年至鳳翔乃令丞召朱玫迎奉癸巳朱玫別領步騎五千至鳳翔令孜聞邠州軍至奉帝入大散關令禁軍守靈壁攻至禁軍潰散遂長驅追駕至遵途驛嗣襄王煜疾爲攻所得時輿元節度使石君涉聞車駕入關乃毀徹棧道柵絕險要車駕由他道僅達爲邠州軍踵後崎嶇危殆者數四四月壬子朱玫李昌言迫宰相蕭遘等於鳳翔驛舍請嗣襄王煜權監軍國事攻自爲大丞相兼左右神策十軍軍容使遂驅率文武百寮奉襄王還京師五月庚辰襄王僭

即皇帝位年號建貞十二月朱玫將王行瑜受密詔自鳳州率衆還長安辛酉行瑜斬朱玫及其黨與數百人縱兵大掠是冬苦寒九衢積雪兵入之夜寒冽尤劇民吏剽剥之後僵凍而死者蔽地百官奉襄王奔河中王重榮給稱迎奉執李煜斬之文德元年春正月車駕在鳳翔蔡賊孫儒斬秦彥畢師鐸于高郵二月壬午車駕至京師戊子御承天門大赦改元宰臣韋昭度率文武百寮上徽號曰聖文睿德光武弘孝皇帝三月戊戌朔御正殿受冊庚子上暴不康壬寅大漸癸卯立親弟壽王傑爲皇太弟勾當軍國事是夕崩於武德殿壽二十七謚曰惠聖恭定孝皇帝廟號僖宗葬靖陵

黃巢附

唐書曰黃巢曹州冤勾人本以販鹽爲事乾符中仍歲凶

荒人餓爲盜河南尤甚初里人王仙芝尙君長聚盜起於濮陽攻剽城邑陷曹濮及鄆州詔左金吾衛上將軍齊克讓爲兗州節度使以本軍討仙芝仙芝懼引衆歷陳許襄鄧無少長皆虜之衆號三十萬三年七月陷江陵十月又遣將徐唐營陷洪州時仙芝表請符不允以神策統軍使宋威爲荆南節度招討使中使楊復光爲監軍復光遣判官吳彥宏諭以朝旨釋罪別加官爵仙芝乃令尙君長詣闕請罪且求恩命時宋威害復光之功擒送闕斬之賊怒悉銳擊官軍威軍大敗復光收其餘衆以統之朝廷以王鐸代爲招討五年八月收復荊州斬仙芝首獻於闕下先是君長弟讓以兄奉使見誅率部衆入查牙山黃巢揆昆仲八人率盜數千依讓月餘衆至數萬陷汝州大掠關東官軍加討屢爲所敗其衆十餘萬尙讓乃與羣盜推巢爲

主曰衝天大將軍署官屬藩鎮不能制時天下承平日久人不知兵僖宗以幼主臨朝號令出於臣下巢馳檄四方章奏論列皆指目朝政之弊巢徒黨既盛與仙芝爲影援及仙芝敗東攻亳州不下乃襲破沂州虜之仙芝餘黨悉附焉時王鐸緩于攻取高駢鎮淮南表請招討賊許之巢乃渡淮僞降于駢駢遣將張璘率兵受降于天長鎮巢擒璘殺之因虜其衆尋南陷湖湘遂據交廣託越州觀察使崔璆奏乞天平軍節度朝議不允又自表乞安南都護廣州節度亦不允是歲自春及夏其衆大疫死者十三四衆勸請北歸以圖大利廣明元年北踰五嶺犯湖湘江浙進逼廣陵高駢閉門自固所過鎮戍望風降賊九月渡淮十一月陷洛陽繼攻陝虢逼潼關陷華州留將喬鈐守之朝廷以田令孜率神策博野等軍十萬守潼關關之左有谷

可通行人平時禁人出入謂之禁谷及賊至官軍但守潼關不防禁谷尚讓林言率前鋒出禁谷而入夾攻潼關官軍大潰博野都徑還京師燔掠西市十二月三日僖宗夜自開遠門出趨駱谷四日賊至昭應五日陷京師時巢衆累年爲盜行伍不勝其富遇窮民於路爭行施遺旣入青門坊市聚觀尚讓慰曉市人口黃王爲生靈不似李家不惜汝輩但各安家業賊衆競投物遺人十三日巢僭位國號大齊仍御樓宣赦且陳符命曰唐帝知朕起義改元廣明以文字言之唐已無天分矣唐去丑口而安黃天意令黃在唐下乃黃家日月也土生金予以金王宜改年爲金統中和元年二月尚讓寇鳳翔鄭畋出師禦之大敗賊於龍尾坡畋乃馳檄告諭天下藩鎮四月涇原行軍唐弘夫之師屯渭北河中王重榮之師屯沙苑易定王勣存之師

屯渭橋郾延托跋思恭之師屯武功鳳翔鄭畋之師屯盤
屋六月邠寧朱玟之師屯興平忠武之師三千屯武功是
歲諸侯勤王之師四面俱會十二月宰臣王鐸率荆襄之
師自行在至鄭畋帳下小校竇玘者驍敢無敵每夜率敢
死之士百人直入京師放火燔諸門斬級而還賊人悚駭
二年王勣存合忠武之師敗賊將尚讓乘勝攻京師賊遁
去處存不爲備是夜復爲賊寇襲官軍不利九月賊將同
州刺史朱溫降王重榮十二月李克用率代北之師自夏
陽渡河屯沙苑三年正月敗黃揆於沙苑進營乾坑二月
尚讓率衆十萬援華州克用合河中易定忠武之師戰於
梁田坡大敗賊軍俘斬數萬乘勝攻華州塹柵以環之黃
揆棄華州官軍收城四月八日克用合忠武騎將龐從遇
賊於渭南決戰三捷大敗賊軍十日夜巢黨散走詰旦克

用收京師巢賊出藍田七盤路東走關東五月巢賊先鋒
將孟楷攻蔡州節度使秦宗權稱臣於賊遂攻陳許營於
澗水陳州刺史趙犇逆戰敗賊前鋒生擒孟楷斬之巢乃
悉衆攻陳州營於是自唐鄧許汝孟洛鄭汴曹濮徐兗數
十州畢罹其毒賊圍陳郡三百日關東仍歲無耕稼人餓
倚牆壁間賊俘人而食趙犇求援於太原四年二月李克
用率山西諸軍由蒲陝濟河會關東諸侯赴援陳州三月
諸侯之師復集四月官軍敗賊於太原俘斬萬計收其四
壁又敗賊將黃鄴於華西收其壁巢賊大恐收軍營於故
陽里官軍進攻之五月大雨震電平地水深三尺壞賊壘
賊自離散復聚於尉氏逼中牟翌日營汴水北是夜復大
雨震雷溝塍漲溢賊分寇汴州李克用自鄭州引軍襲擊
大敗之殘衆保胙縣寃旬官軍追討賊無所保其將李謙

張歸霸等各率部下降于大梁尚讓率部下萬人歸時溥
賊自相猜間相殺於營中所殘者千人中夜遁去克用追
擊至濟陰而旋賊散於兗鄆界黃巢入泰山徐帥時溥遣
將張友與尚讓之衆掩捕之至狼虎谷巢將林言斬巢及
二弟鄴揆等七人首并其妻子函送徐州

昭宗景文皇帝

唐書曰昭宗景文皇帝諱曄懿宗第七子母曰惠安太后
王氏以咸通八年三月生於東內十三年封壽王名傑乾
符四年授開府儀同三司幽州大都督幽州廬龍等軍節
度使帝於僖宗母弟也尤相親睦自艱難播越嘗隨侍左
右文德元年二月僖宗暴不豫初復宮闈人心傾囑遽聞
被疾軍民駭愕及大漸之夕未知所立軍容楊復恭請以
壽王監國遺詔立爲皇太弟柩前即帝位時年二十二以

司空韋昭度攝冢宰己丑見羣臣始聽政帝巧書好文尤
重儒術神氣雄俊有會昌之遺風以先朝威武不振國命
寢微而尊禮大臣詳延道術意在恢張舊業號令天下即
位之始中外稱之四月庚午追謚聖母惠安太后曰恭獻
龍紀元年春正月上御武德殿受朝賀大赦改元文武臣
寮進秩頒爵有差五月漢州刺史王建陷成都府遷陳敬
瑄于雅州建自稱西川兵馬留後用田令孜爲監軍十一
月己丑朔將有事於圓丘改名曰曄辛亥上宿齋於武德
殿甲寅圓丘禮畢御承天門大赦大順元年春正月御武
德殿受朝賀宰臣百寮上徽號曰聖文睿德光武弘孝皇
帝禮畢大赦改元乾寧元年春正月上御武德殿受朝賀
大赦改元二年五月甲子李茂貞王行瑜韓建等各率精
甲數千人入覲京師大駭人皆亡竄吏不能止帝御安福

門以俟之三帥既至拜舞樓下帝臨軒諭之日卿等藩侯
宜存臣節稱兵入朝不出奏請意在何也茂貞行瑜流汗
洽背不能對唯韓建陳敘入覲之由上並召昇樓賜卮酒
宴於同文殿茂貞行瑜極言南北司相傾深蠹時政請誅
其太甚者乃貶宰相韋昭度李璠尋殺之殺內官數人而
去王行瑜留弟行約茂貞留假子闍圭各以兵三千人宿
衛時三帥同謀廢帝立吉王闍太原起軍乃止留兵宿衛
而還七月李克用舉軍渡河以討王行瑜李茂貞韓建等
庚申同州節度使王行實棄郡入京師謂兩軍中尉駱全
瓘劉景宣曰沙陁十萬至矣請奉車駕幸邠州且有城守
時景宣附鳳翔癸亥夜闍圭與劉景宣子繼晟同州王行
實縱火剽東市脅上出幸上聞亂登承天門遣諸王率禁
兵禦之捧日都頭李筠率本軍侍衛樓前闍圭以鳳翔之

卒攻李筠矢及御座之樓扉上懼下樓與親王公主內人
數百幸永興坊李筠軍扈蹕都頭李君實以兵繼至乃與
筠兩都兵士侍衛出啓夏門憩於華嚴寺以俟內人繼至
其日晚幸莎城鎮京師士庶從幸者數十萬比至南山谷
口渴死三之一至暮爲盜寇掠慟哭之聲殷動山谷信宿
宰相徐彥若王搏崔胤三人至乃移幸石門鎮之佛宮乃
令知樞密劉光裕薛王知柔歸京師制置令禁軍以備宮
禁丙寅李克用遣牙將闍諤奉表奔問奏屯軍河中候進
止發赴邠州丁卯上遣內官張承業傳詔克用軍便令監
太原行營兵馬發赴新平又令內官郗廷立傳詔涇州令
張璠起涇原之師會克用軍上在南山半月餘克用仍在
河中未至渭北上懼鳳翔兵士劫遷乃令廷王將御服鞍
馬玉器等至河中宣諭八月李克用遣子存貞奉表行在

請車駕還宮辛亥車駕還宮三年六月鳳翔軍犯京畿單
王拒之於婁館接戰不利秋七月岐軍逼京師諸王率禁
兵奉車駕將幸太原癸巳次渭北華州韓建遣子允奉表
起居請駐蹕華州乙未次下邳丙申駐蹕華州時岐軍犯
京師宮室廩閤鞠爲灰燼光化元年八月車駕自華還京
御端門大赦改元二年十一月左右軍中尉劉季述王仲
先廢帝幽於東內問安宮請皇太子裕監國是日迎皇太
子裕監國矯宜昭宗命稱上皇甲午宣上皇制太子登皇
帝位十二月癸未夜護駕孫昭德周承誨等以兵攻劉季
述王仲先攜其首詣東宮門呼曰逆賊王仲先已斬首訖
請陛下出宮慰諭兵士宮人破鑰帝與后方得出天復元
年正月昭宗反正登長樂門樓受朝賀四月甲戌有事於
宗廟是日御長樂門大赦改元十月戊戌朱全忠引四鎮

之師七萬赴河中京師聞之大恐民皆亡竄山谷十一月
中尉韓全誨與鳳翔護駕都將李繼徽奉車駕出幸鳳翔
三年正月車駕出鳳翔幸全忠軍全忠素服待罪泣下不
自勝上親解玉帶賜之乙丑次扶風令朱友倫總兵侍衛
丁卯次興平宰臣崔庸率百官迎謁戊辰次咸陽己巳入
京師天子素服哭于太廟改服冕旒謁九廟禮畢御長樂
樓大赦天祐元年正月全忠率師屯河中遣牙將寇彥卿
奉表請車駕還遷都洛陽全忠令長安居人按籍遷居徹
屋木自渭浮河而下連薨號哭月餘不息秦人大罵於路
曰國賊崔胤朱溫傾覆社稷俾我及此天乎天乎丁巳車
駕發京師癸亥次陝州全忠迎謁于路四月甲辰車駕由
徽安門入朱全忠張全義宰相裴樞獨孤損前導是日大
風雨土跬步不辨物色日暝稍止上謁太廟禮畢還宮御

正殿宣勞從官衛士乙巳上御光政門大赦八月壬寅夜
朱全忠令朱友恭氏叔琮蔣玄暉弒帝於椒殿帝自離長
安日憂不測與皇后內人惟沈飲自寬時年三十八謚曰
聖穆景文孝皇帝廟號昭宗葬和陵

哀帝

唐書曰哀帝諱柷昭宗第九子母曰積善太后何氏景福
元年九月生乾寧四年封輝王名祚天復三年拜開府儀
同三司充諸道兵馬元帥天祐元年八月昭宗遇弒翌日
蔣玄暉矯宣遣詔又矯宣皇太后令皇太子柩前即位二
年四月甲辰夜彗起北河貫文昌其長三丈在西北方十
二月戊申全忠令知樞密王殷害皇太后何氏于積善宮
四年二月禪位于梁全忠建國奉帝為濟陰王遷於曹州
時太原幽州鳳翔西川猶稱天祐正朔天祐五年二月帝

為全忠所害時年十七謚曰哀皇帝以王禮葬於濟陰縣
之定陶鄉

太平御覽卷第一百一十六

易乾鑿度注八部之方部疑卦 非卦非八訛 又改一
統政據上易緯文當作改政一統 王位位作者 春秋
演孔圖注正氣為若木為當作謂 以生之生作牙 春
秋合誠圖又曰注此謂謂字脫 人象清本無人字 春
秋潛潭巴注得其度也清本作律度也 孝經援神契形
人清本作行仁 論語撰考讖注行轉疾轉字脫 漢雜
事所居曰某按下脫宮字 注當乘輿當常訛 猶調之
車駕調疑周 奉高宮高作商 帝王世紀義合者合者
作名曰 六韜不殺而不殺清本上下下有可字按不當
作可清本衍不字耳 又曰舜德衰衰字脫 老子又曰
注用此來知清本無知字 董子又曰連其中三字脫

皇王部舉譌

敘皇王上

易乾鑿度注八部之方部疑卦 非卦非八訛 又改一
統政據上易緯文當作改政一統 王位位作者 春秋
演孔圖注正氣為若木為當作謂 以生之生作牙 春
秋合誠圖又曰注此謂謂字脫 人象清本無人字 春
秋潛潭巴注得其度也清本作律度也 孝經援神契形
人清本作行仁 論語撰考讖注行轉疾轉字脫 漢雜
事所居曰某按下脫宮字 注當乘輿當常訛 猶調之
車駕調疑周 奉高宮高作商 帝王世紀義合者合者
作名曰 六韜不殺而不殺清本上下下有可字按不當
作可清本衍不字耳 又曰舜德衰衰字脫 老子又曰
注用此來知清本無知字 董子又曰連其中三字脫

孟子又曰注秉政以率諸侯政率字脫 周文王也清本
王作武 孫卿子又曰大安也大榮也二也字脫大累也
三字脫 莊子有巢之民之民倒清本巢下有氏字 又
無爲也十字脫又天下歸十一字脫道於聖清本道作通
德者下清本有其自爲也靈靜六字 又止此矣止作
以 又無爲而而字脫 又端正端字脫 唐子山林林
字脫 陸子繁手清本繁作擊 慎子又曰思以清本無
思字

敘皇王下

呂氏春秋始生之者始作姓 又注若堯二字脫 又蚩
尤作兵也利其械也世訛 淮南子景柱柱作性 又注
列子倒 又注反攝褶褶字脫 繞頭清本頭作頸予其
財清本其作民 又霸無一焉者五字脫 注雖□於世

清本闕所作□今亦依焉 又得道之柄立於中央道之
柄立字脫 風俗通皇者天者天二字脫 有似皇天似
字脫 又蓋天非人不因因作固 又帝嚳脫 饒也脫
道德德字脫 又武王當作文武 故因名焉因作國
傅子又曰此著此下脫仁字 三略化行作行焉 君
無疑於臣臣無疑於主於臣五字脫 又戚不可圖戚當
作威 墨子又欲富且貴欲字脫 尸子又君之爲君爲
字脫

天皇

三五曆紀十三頭頭字脫 遁甲開山圖天皇被跡被疑
披訛

燧人氏

禮合土注及大清本大作火

庖犧氏
易下繫又曰字脫 庖犧贊庖犧廚犧字衍

帝王世紀未有按此下有脫文 山海經注一月中清本月作日 神農氏

易下繫斲木斲作斷 禮含文嘉耕種種字脫 淮南子遇七十毒遇字脫 又獻貢清本貢作功 明堂之制有蓋而無四方明堂字脫蓋作善四方作惡字 天地之貢資清本無貢字

軒轅氏
帝王世紀神農皇直下又曰有神皇直無農字衍文 孝經鉤命決注電黃精電疑靈 山海經注青駝青疑青

河圖挺佐輔興謀治平興作與平作年 龍魚河圖白寫清本白作自 列子旣注古厚切本書厚作旱 其無嗜慾本書其下有民字 黃帝既悟然自得本書既下有寤字 莊子又曰方明方字脫 韓子畢方並鏘鏘作館 淮南子注太山稽輔輔字衍 師臣當作臣師 星辰之行行字脫 衆不得暴寡十一字脫 注不天遊清本無遊字按遊逝之訛 上下謂謂謂字衍 論衡皇德七字脫 抱朴子白澤之亂亂辭訛 孫綽子建日月旗清本月下有之字 符子無爲子曰四字脫

高陽氏
帝王世紀民神不雜民字脫

高辛氏
大戴禮其色郁郁作嶠 帝嚳贊神聖聖字脫 教弭

弭疑彌訛

陶唐氏

帝王世紀女皇女字脫 春秋合誠圖火帝火作大 注
 連祿運也祿作錄今改 衣赤光光像清本作衣赤象火
 光 色有八也八字脫 圖人圖作國 文十清本作文
 七十按十七訛今改 堯貌貌字脫 論語注無能名能
 作誠 煥乎句脫 龍魚河圖又堯天之精陽天字脫精
 陽疑倒 書注古道古字脫 安天下之當安者天下之
 三字脫 百官官字脫 平和和字脫 尚書中候注此
 注之為孳連注之二字疑衍 齊齊亦止齊字衍 又帝
 堯刻璧刻璧字在雒下率字作奉 大戴禮貴而不豫豫
 字闕 六韜視玩以下十二字脫 尸子玆羞六字脫
 又躡履躡字脫 莫譽堯清本無莫字 譽毀之清本之

作知 韓子不斷不字脫 淮南子漁山處者四字脫
 所工所字脫 碁九碁作碁 走室清本室作澤 又而
 堯而字脫 又鑿齒修蛇皆為民害乃使羿誅十二字皆
 脫 注狀如龍狀人齒狀人齒有誤 說苑仁明而義立
 明義字脫 符子堯曰下當有余字 松生棘清本棘作
 棟 櫛屏扉作扇 墉墉墉字脫 無異異字脫 不榮
 不字衍 帝堯贊父則父字脫

有虞氏

帝王世紀負夏負字脫 販於販字脫 承火承作戌
 吾前教由未也教作政由猶通 雜書靈准聽受益地圖
 受當作授 舜受終清本終作之 尚書中候百獸舞鳳
 皇晨皇舞二字脫 又皇象象字脫 又注文而清本文
 作赤按文上當有赤字 又虞夏傳注令為令字脫 春

秋運斗樞注櫛道清本櫛作櫛 孝經授神契注取象軋
軋當作虹蓋舜母感大虹生舜故云 大戴禮敦敏而知
時敦敏作政據本書改 朝于耕期年畔坻苦六字皆脫
舜往往下當有漁字 孟子曰天也曰土當有故字
尸子歷山其漁並脫 淮南子注滔漫也也作之 又去
岩以下十三字脫 風土記西南指指作措

夏

帝禹 帝王世紀注修紀或云修己紀己錯今改 尚書
旋璣鈴又曰注古者古脫 尚書中候注天使汝治水使
汝作便致 百面清本百作伯按當作白 春秋演孔圖
銜雲清本銜作御注同 論語注以盛祭服服作祀據本
書改 吳越春秋通水理理作經據本書改 鬻子注音
桃桃作桃誤也今改 隋巢子國家寶寶當作寶 呂氏

春秋又竭力以濟生人受命天也本書作竭力以養人生
性也死命也 黃帝玄女兵法致難得也致疑至訛 開
而視之乃以下闕 禹渡江贊二江二疑三 帝啓 史
記又曰將戰作廿四字脫 山海經玉橫清本橫作璜
有窮后羿 帝王世紀故號有窮氏有字脫 寒浞 帝
王世紀澆多力澆字脫 羿之殺帝相羿當作羿 帝少
康 傳注思有虞君也君字脫 帝宁 紀年自原原字
脫 帝不降 帝王世紀或曰比成清本比作北注同
帝孔甲 呂氏春秋田于東陽田字脫據本書補 迷入
民室迷作遠 折撥清本折作蹇 帝桀 歸藏勞勞清
本作營營 尚書帝命候清本候作驗 紀年有王與清
本與作興 帝王世紀好聞裂繒之聲下衍一裂字 桀
聞然清本作聞然折 墨子勇力之人本書上有有字

尸子又曰注覆敗敗字脫 又注決蹄致蹇蹄字脫清本
致蹇作拆足 表子正中南之國清本中作終 符子桀
觀炮觀作視下皆同 淮南子注鳴條今陳州平丘地陳
平字脫地作也

殷

帝成湯 史記冥卒上行子字 振卒上亦衍子字清本

同 尚書中候諸隣圖國訛 尚書大傳又夏人飲酒

酒字脫 不醉者持醉者持醉者三字脫 孟子注不以

天下為富作不今見天下富 帝太甲 帝王世紀年百

歲年字脫 帝王紀在鄴西南下圈脫 帝太戊 書敘

傳注七日供按供拱訛 史記崩子仲丁立五字脫 帝

仲丁 史記居相值值衍 紀年遷于囂囂誤囂今改下

同 帝外壬 一十五年一十脫 帝盤庚 史記崩弟

小辛立五字脫 帝小辛 史記崩弟小乙立五字脫

紀年即位即字脫 帝武丁 書大傳桑穀野草野誤理

今改 欲為用也本書欲下有今升鼎者四字 帝庚祖

紀年祖庚曜曜作躍今據本書改 帝武乙 帝王世

紀即位三十七年即當作在 帝紂 史記邪侯邪疑邪

希記切切誤赫今改 帝王世紀兩日並並下脫出字

六韜三千飲人清本作三千人飲之按飲當作餘 為

輦坐清本為上有以人二字 墨子不殃清本不作下

周

文王 史記是為公季公作王 春秋元命苞又曰注能

乳天下布恩惠也無能字布恩惠也四字作之謂 春秋

感精符視五常清本視作觀 墨子之岐社清本之上有

降字 韓子又對曰以下錯簡當移下呂氏春秋王曰若

何其移之也下 淮南子又曰戮殺戮字脫注流酒淫酒也淫字脫 故太公之謀生生作主清本之上有爲字今皆據本書改 栢子新論又囚文王於羑里於羑里作之刑 呂氏春秋又曰上貢必適上作止 注以之爲樂以之爲清本作觀之以爲娛樂 方之肫炮四字清本無按肫疑肫訛 古今樂錄曰十六字脫 豐土清本豐作風 闔闔之虐清本虐作虎 由其言兮清本由作誰 帝王世紀文王之長子子以下二十二字脫 赤雀贊昌期而至昌字有誤 武王 史記乃渡盟津津字脫 走反作叛走据史記改 帝王世紀造紂及妲己已下疑當脫死所二字 淮南子又代我難清本難下有矣字 成王 史記復卜申清本卜申作下車 帝王世紀年十六矣十六有誤 賈誼書婦人爲其所食本書作婦爲其所衣

丈夫爲其所食 琴操公專國人清本人作大 康王 迹異記不遠而至不上疑脫無字 穆王 歸藏飛而冲天冲作中 穆天子傳注卽井鉞山鉞徑通 鉞山之西河注河山足坡按河皆當作阿 潯水注音汙潯也疑當作音汙辱之辱也 幽王 史記竟廢申后竟作乃欲申字脫 今王用之清本無今字 襄王 史記鄭居於汜居下脫王字 靈王 國語注二水合清本合作名下有兩水格三字 與民之憲言下有脫文 景王 傳曰而藏於心藏作和 赧王 王逸正部遂喪王位位作計 秦 史記亦大費與禹平水土己爲輔按與禹六字衍蓋因上文複 始皇 史記有學法令清本有作欲 漢書又曰鍾鼓帷帳不移帷帳字脫 異苑何奄僵何字脫 食吾

飯清本食作餐 楚義帝 史記與籍之力也與籍字脫

高祖 龍魚河圖元祚隆興元作亢 尚書帝命驗又曰

注金虎清本作金口虎 春秋文耀鉤注劉季者清本無

者字 史記攻城城字脫 高祖迴歸清本迴作還 帝

王世紀聖居居作君 項籍 河圖大雨清本雨作瞽

尚書中候注項字之側四字脫 史記注擿撓敵清本撓

作撓史記注作撓 睢水上注睢水彭城西水入泗水彭

上疑脫在字西水之水疑北字 名虞注一云姓一姓字

脫 雖不二字衍 給曰左注令左去去作也 今卒困

於此清本於作如 後少帝 史記滕公曰六字脫 文

帝 分目漢字例宜刪下皆同 史記苑囿狗馬服五字

脫 漢書萑蒲為席蒲字脫 帝王世紀即位二十三年

年下當有崩字 顧城清本城作成 風俗通天下升平

升字脫 待戰待作守 費掄掄作積 馳射馳作騎

禮言事者作治禮言者 通人通作過皆據本書改 景

帝 又是時上床未立太子清本無床字蓋衍文 漢書

述注壞其族類壞作懷誤也今改 武帝 漢書登封泰

山注封岱宗也本書作封崇也 降坐明堂坐字脫 蕭

關注重蕭關字據本書補也 祭灋天柱山注霍山在灋

在灋二字脫據本書補 為皇太子注以多清本多作二

名 五柞宮注在位五十四年在作即以意改 劉歆宗

廟議單于孤將將疑特 守蕃百蕃百蕃衍 漢武故事

議刑者議刑倒 比得人勞苦神明二句恐倒 以有限

之士以有四字脫 資無已之誅清本資作恣 天下賢

才將盡於下有脫文 以為礪以上疑脫可字 曰世

宗三字脫 栢子新論前聖故事故作代 信其巫蠱其
 字有誤 典論得清邊境矣得字有誤 踰廣漠漠作漢
 以意改 魏陳王贊文帝是攘攘疑襄訛 昭帝 注太
 液池三字複今刪 以作之清本之作池 左右皆伏左
 右字脫 魏文帝周成漢昭論質臣而治質疑質 魏丁
 儀周成漢昭論與計日力與字脫 賴天變而得之清本
 之作明 廢帝海昏侯 賀曰噬痛不能哭日作王 宣
 帝 漢書注詢之字日謀詢上當有諱字 馮仲翁復作
 復 哀帝 漢書為太初元將元年元將脫據本書補
 王莽 漢書莽奏太后以下十四字有誤 莽知四方四
 作西 分行天下除非田眾制除字脫 伏而叩頭頭字
 脫據本書補 貪立本大功清本無本字蓋衍文

後漢

光武 東觀漢記比之高祖兄伯升伯升當作仲 先是
 時清本無時字 與俱進殺進殺倒 上奔之斬首數十
 級十字脫 步騎數千乘乘衍文 大奔北清本北上有
 遂字按遂當作逐蓋因上有遂字而訛今改補 以萬數
 萬數倒 知者云云後漢書注引此文者下有見之以為
 服之不中身之灾也乃十三字 得全身可也字脫
 即立公清本即作持節 日日出時清本無一日字 詔
 有誥有字衍 十餘萬人眾不可輕也餘字眾以下皆脫
 又三十二年二字脫 東觀漢記見上餐啗啗字脫
 又三兩兩作兩 表山松後漢書其殆乎同清本乎同倒
 會稽典錄加帝腹上腹字脫 續漢書王莽之篡之篡
 二字脫 薛瑩漢記其猶人病諸人字衍 更始 東觀
 漢記官府閭里閭字脫 侍中日侍中字脫 皆出羣小

出字脫 諸于于字脫 更始仍許赤眉求降清本求作
來按許疑詣 畏威侯侯字脫 赤眉殺之殺之二字脫
牧葬牧收訛 帝王世紀即位即疑在 明帝 東觀
漢記進爵為王進字脫 所以承事兄弟所以字疑有誤
立陰貴人立字脫 皇太子即位皇下行后字 粟斛
錢三十牛羊被野錢羊字脫 小於王王上有脫字 上
曰赤色曰字有訛 華嶠後漢書又衣食滋植植當作殖
下戶口滋植同 章帝 後漢書尊廣道藝尊字脫 安
帝 東觀漢記青蓋車車字脫 典略尤甚尤作又 順
帝 東觀漢記閉門發兵清本作閉宮門屯兵 續漢書
避疾嘗阿母王聖第新治疾旬上下有脫文 靈帝 續
漢書下更相偷盜更作侯 上以工書鳥篆後漢書無以
字篆下有者字 尚垣後漢書垣作但 薛瑩漢記贊世

業損矣損疑隕 摧仆忠賢仆作介 獻帝 獻帝春秋
郭汜汜作汜按潘岳西征賦作僮汎汎與汜同音乎梵反
從卩從巳者非也今改 范曄後漢書至今負而趨者本
書今作令

魏

太祖 魏志郭圖圖作圓 又曰商馘本志商作殷 博
物志張芝芝弟一芝字脫 文帝 魏志又曰氣疫癘清
本無氣字 明帝 魏志定曆改年本志定上有三月字
高貴鄉公 魏志辟雍辟作璧今改 帝慕夏少康帝
字闕夏少康作顯有立今改補 漢晉陽秋況不必死耶
必字脫

西晉

宣帝 晉書司馬卬卬作昂 送任帝謂演曰任字闕帝

太平御覽

舉義

謂演作而守者曰 虞預晉書顯揚側陋揚側作外反
景帝 晉書懼六軍之恐懼字脫 文帝 晉書夏正月
正五訛 忤誕手刃殺欽手上當有誕字 巡城市而呼
本書市字無 太守牽弘弘字闕 武帝 晉書祗承天
序序字闕 羣官舉任邊五字脫 典禮所禁所禁二字
脫 唐太宗論新集易動集作習 二孽二作三 惠帝
晉左將軍劉預將字脫 圍于涇陽于字衍 裴頠注
音隗文毀切按文毀不得音文蓋又字之訛毀上脫魚字
廣韻顧魚毀切 溫仁和惠作惠和 周馥注音服復服
復有一誤 武帝亦疑焉五字脫 趙王倫 晉書召中
書監侍中黃門召中字脫 琅琊小史史作吏 督河北
將軍將疑諸訛 懷帝 晉書倫敗二字脫 鄴城城作
中 聚眾反叛魏郡太守馮嵩叛本書作敗 愍帝 晉

書聞城未陷聞疑及誤 巨猾滔天猾字脫據本書補

東晉

元帝 晉陽秋吳人以為孫權帝之表也帝上當有為字
歲鎮熒惑作歲鎮辰 冥數玄感冥字闕 世說九鼎
遷洛邑願陛下無復為念遷作後復作遷 明帝 晉書
立皇太子衍太字衍 晉陽秋分好綢繆分好疑倒 成
帝 晉書峻逼遷字脫 穆帝 晉書相溫帥征虜將
軍征字脫據本書補 苻健將苻雄將作時 哀帝 晉
書奉大統大作天 廢帝 藏榮緒晉書奉迎興復興復
作稱覆 續晉陽秋黜北左右清本黜北作出比 嬖人
相寵晉書寵作寵 簡文 續晉陽秋器服陳素清本陳
作簡 孝武 晉書詔所在所作詠 葬隆平陵隆字脫
初以簡文帝晉書無以字蓋衍 晉陽秋醒治既少治

時訛 汝已年廢矣清本廢上有當字 安帝 晉書長
塘湖湖尉衍一湖字 南陽太守庾仄仄字闕 劉裕以
謚以字闕 因此獲全因字脫 栢玄 晉書栢玄字勣
道字字闕 銅盆中晉書中上有水字 忽為二珠本書
作如二寸火珠 音以瓢接取音當作競 姝媼姝作姝
輔易人清本輔作輒 南面面字脫 歸先帝玄宮先
字脫 建始復是云云據本書建始下脫趙王倫偽號也
又改為永始十一字 逆風迅激旂皆傾迅旂二字脫
據本書補 大楚之祭大作失 恭帝 續春陽秋消涼
溫清本消作雖晉書消下有息字 信佛鑄口貨十萬清
本作信佛教捐財貨十萬 外國二字清本無 迎像宮
清本宮上有入字 宋書並盡忠孝本書孝作事 史臣
曰舊國迴首作舊或自三字 三微數盡微作徵

後魏

諸帝 後魏書成皇帝諱毛毛作乱清本作屯今據本書
改 大姓九十本書作九十九 賞當加重賞上賞字衍
文 以奉始祖不受不上當重始祖二字 諸物咸豐咸
字脫 天姿英峙本書峙作特 少子也作思 諱祿
官立立字在諱字上 帝以琨忠義帝字脫 脩故平城
以為南都都作郡據本書改 太祖 後魏書僭稱皇帝
位於中山位字衍 護軍徐超清本軍下有將軍二字
乃趣博陵之深澤博字脫 以奉西魏奉字脫 甲戌帝
臨其營帝字脫 進璽綬進字脫 中天殿中天作大中
太宗 後魏書封曰齊王日字衍 帝親加禮焉清本
無帝字 還晉陽還字脫 世祖 後魏書至自西征西
字脫清本征作伐 滄水高允清本滄水作渤海 安定

公韓茂韓作朝 以求和好四字脫 皇太子朝于行宮
此下當有六月皇太子薨六字蓋撰者誤脫 高宗 後
魏書別自頒賚賚作賴 顯宗 後魏書叔父彧殺子業
僭立僭作皆據本書改 高祖 後魏書假東陽王丕丕
下有脫文 猶應未忍忍作息據本書改 崇靈寺本書
靈作虛 祀虞舜於廣寧祀字衍 周文王王字衍 經
始洛陽京陽字衍 二月行幸河陽本書陽作陰 爲孔
子起園柏園柏疑倒 賞功功作効 寡寬茲清本寡作
孝敬據本書寡字衍 又會倒 任興而作任作有據本
書改 世宗 後魏書三十二都尉清本三作二 綰五
十五萬正清本無上五字 肅宗 後魏書加之輕蓋輕
蓋作軺車 考辰作孝成 去歲歲字脫 城人卜胡本
書胡作朝 銅貼占肆貼作店 徽纏纏當作纏 市人

出入者出字脫 國道中微微作層據本書改 乃延入
青蒲青作清入字脫 敬宗 後魏書齊州之太原本書
太作平 自署漢王漢作濮 已改爲永安元年已字衍
北平來平字衍 鄉郡長公主鄉郡疑有脫文 節閔
帝 後魏書王少端謹王字衍 爲青州渤海王青州二
字衍文 孝武帝 後魏書帝以世易除復清本作復除
文帝 後魏書至自東伐自字脫以意補 孝靜帝
後魏書式觀乾象式仰訛 遷宅漳滏宅作澤 蕭衍請
通好請通好三字脫 其將長孫子彥將字脫據本書補
儀同三司賀拔仁清本仁作勝 西魏遣使將李景和
使字衍 其餘溺於渦水其餘二字脫據本書補

後周

太祖 後周書普回因狩因字脫 皇帝璽帝字脫 弗

太平御覽

舉義

三

變厥心本書弗作革 武帝 後周書終不輒言清本輒
作敢 杜賈注苦恠切苦作若今改 長春二宮二字脫
據本書補 宣帝 後周書大成元年元字脫今補 正
月癸巳巳作酉據本書改 靜帝 後周書稱尊號尊字
脫據本書補

隋

高祖 隋書三讓乃授授當受訛 二旬而罷而作是據
本書改 年六十四上疑脫崩字 史臣曰此風逾扇扇
與煽通 人皆同帝制人字衍 煬帝 隋書若高元元
字脫 以手琢按琢當琢訛琢擊也 恭帝 隋書心情
糜潰糜作麋 豈期如是期作其 稽古之聖聖作醒並
據本書改 李密 唐書三官三衛清本無三官二字蓋
衍文 龔回洛倉弃回洛倉二回字並作與今改 密今

通清本通作適按以下文有脫誤 於萬餘人清本無於
字 王世充 唐書謀於諸將謀字脫據新唐書補 竇
建德 唐書初里長里上當有爲字 咸以兵授焉授作
受今改 下書言詔言字有誤 洛州洛作洛 次成阜
臯字脫成作城 齋金玉齋作賈據新唐書改 牛口谷
谷作渚据新唐書改

唐

高祖 唐書大業初授榮陽授作受今改 晉陽鄉鄉作
卿 河地太守池當北誤 皆上稟睿筭筭下衍等字
太宗 唐書始皇猶海側猶下有脫文 大行御馬輿行
馬字脫輿作與 高宗 唐書先謁太廟而後入清本入
下有壇字按壇字不通疑是宮誤 則天 唐書誅死者
殆將盡矣者字疑衍 中宗 時召諸將時疑特訛 睿

宗 唐書循環震驚環疑懷訛 二十三賢清本三作二
立宗 唐書著一莖子然獨立清本無著字 又聞成
器已下清本成作神 九千七百一十三清本三作二
太真妃妃字衍 十五載載作年今改 仗下從士從作
後 無復儲擬清本擬作供 安祿山 唐書十五載至
德二載兩載字並作年今改 平列列字闕今據新唐書
補清本作列 及諸弟領旬有脫誤 殺汝父汝疑已誤
肅宗 唐書英悟英當作穎 遣御史遣字脫據新唐
書補 九月持四節清本無四字蓋衍文 丁未御明鳳
門門字脫 史思明 唐書光弼使爲地道至城陣前城
恐賊訛 築三角城築上當有勅朝義三字 王悅曰王
字衍下同 命曹將軍命當作呼 終事不成矣句有誤
梟首送闕下梟字有誤疑是斬字 德宗 唐書茂州

州字衍 六月戊午車駕發興元六月二字衍文 朱泚
唐書楊猷兵清本猷作猷 鼓齊震鼓下疑脫聲字
順宗 唐書永綏四方永作求 性寬仁者清本無者字
蓋衍文 每於敷奏下有脫文 憲宗 唐書當務其遠
者大者當作常 豈無勞神疲體豈下當有可字 穆宗
唐書未可不聽未作來 璘異屢舞清本璘作麟 擾
雜倨肆擾作優 禁軍五百騎清本無五字 遽足病不
能履地病字脫今據新唐書補 敬宗 唐書軍人立其
第二子清本二作三 感悟漢文悟作恪 十二月辛丑
清本無二字 文宗 唐書戴夾羅巾戴作載據弘簡錄
改 武宗 唐書旣篤旬日旣上疑脫疾字 懿宗 唐
書亦用攘寇寇疑擾誤 罕聞視事視疑親訛 僖宗
唐書鄆州節度使牛勣清本作李種 稱亂京國清本稱

秦 靜帝 擄西魏擒誤擄 李密 唐書聚徒徒誤徒

蜜尋復密誤蜜 滿密滿上脫方引二字 竇憲德

將師帥誤師 唐高祖 太宗為元師帥誤師 中宗

僭圖潛誤僭 安祿山 使之橙橙當作蒞事二字 肅

宗 賊賊尹子琦下賊當作將 史思明 顏直卿真誤

直 及對及上脫未字 敬宗 未英官央誤英

及對及上脫未字 敬宗 未英官央誤英

及對及上脫未字 敬宗 未英官央誤英

及對及上脫未字 敬宗 未英官央誤英

及對及上脫未字 敬宗 未英官央誤英

及對及上脫未字 敬宗 未英官央誤英

及對及上脫未字 敬宗 未英官央誤英

太平御覽卷第一百一十七

偏霸部一

蜀劉備

劉備

劉禪

蜀志曰先主姓劉諱備字玄德涿郡人漢景帝子中山靖

王勝之後也勝子貞元狩六年封涿縣陸城亭侯坐酎金

失侯因家焉典略云備本涿郡人先主祖雄父弘世仕州郡雄舉

孝廉官至東郡苑令先主少孤與母販履織席為業舍東

南角籬上有桑樹上高五丈餘遙望重重如小車蓋往來

者皆恠此樹非凡或謂當出貴人漢晉春秋曰涿人李定

先主少時與宗中諸兒於樹下戲言吾必當乘此羽葆蓋

車叔父子勗謂曰汝勿妄語滅吾門矣年十五母使學同

宗劉德然遼西公孫瓚俱事故九江太守同郡盧植德然

父元起常資給先主與德然等元起妻曰各自一家何能常爾邪起曰吾宗中有此兒非常人也瓚深與先主相友瓚年長先主以兄事之先主不甚樂讀書喜狗馬音樂美衣服身長七尺五寸垂臂下膝顧自見其耳少語言善下人喜怒不形於色好交結豪俠年少爭附之中山大商張世平蘇雙等貲累千金販馬周旋於涿郡見而異之乃多與之金先主由是得用合徒衆靈帝末黃巾起州郡各舉義兵先主率其屬從校尉鄒靖討賊有功除安喜尉大將軍何進遣都尉詣丹陽募兵先主與俱行至下邳遇賊力戰有功除下密丞復去官後爲高唐尉遷爲令爲賊所破往奔公孫瓚瓚表爲別部司馬使與青州刺史田楷拒冀州牧表紹數有功守平原令後領平原相郡民劉平素輕先主耻爲之下使客刺之客不忍刺語之而去其得人心

如此表紹攻公孫瓚先主與楷屯東齊曹公征徐州徐州牧陶謙遣使告急於楷楷與先主俱救之時先主有兵千餘人謙以丹陽兵四千人益先主遂去指歸謙謙表先主爲豫州刺史屯小沛謙病謂別駕糜竺曰非劉備不能安此州謙死竺帥州人迎先主先主未敢當下邳陳登謂先主曰今漢室陵遲海內傾覆立功立事在於今日彼州殷富戶口百萬欲屈使君撫臨州事北海相孔融謂先主曰今日之事百姓與能天與不取悔不可追先主遂領徐州表術來攻先主拒之於盱眙淮陰曹公表先主爲鎮東將軍封宜城亭侯是歲建安元年也先主與術相持經月呂布乘虛襲下邳守將曹豹反聞迎布布虜先主妻子先主求和於布布還其妻子遣先主還小沛復合兵得萬餘人布惡之自出攻先主先主敗走歸曹公曹公厚遇之以爲

豫州牧曹公助先主圍布於下邳生擒布先主復得妻子
從曹公還許表先主爲左將軍禮之逾重出則同輿入則
同席表術欲經徐州北就表紹曹公遣先主督朱靈路招
要擊術未至術病死曹公從容謂先主曰天下英雄唯使
君與操耳本初之徒不足數也先主方食失匕箸先主據
下邳乃殺操徐州刺史車胄留關羽守下邳身還小沛曹
公東征先主敗績曹公盡收其衆虜先主妻子并擒關羽
以歸先主走青州青州刺史表譚先主故茂才也將步騎
迎先主先主隨譚到平原譚馳使白紹紹遣將道路奉迎
身去鄴二百里與先主相見關羽亡歸先主曹公遣曹仁
將騎擊先主先主還紹軍陰欲離紹乃說紹南連荊州牧
劉表紹遣先主將本兵至汝南遣麋竺孫乾與劉表相聞
表自郊迎以上賓待之先主在荊州數年嘗於表坐起至

廁見髀裏肉生慨然流涕還坐表惟問備曰平常身不離
鞍髀肉皆消今不復騎髀裏肉生日若馳老將至矣而
功業不建是以悲耳一日徐庶謂先主曰諸葛孔明卧龍
也將軍豈不欲見乎先主曰可以俱來庶曰此人可就見
不可屈致也宜枉駕顧之由是先主遂詣亮廬凡三往乃
見之因屏人曰漢室傾頽奸臣竊命孤不度德量力欲仗
大義於天下而智術淺短遂用猖獗然志由未已君爲計
將安出亮曰自董卓已來豪傑並起跨州連郡者不可勝
計曹操比於表紹則名微而衆寡操遂能克紹以弱爲強
者非唯天時抑亦人事今操已擁百萬之衆挾天子而令
諸侯此誠不可與爭鋒也孫權據有江東已歷三代國險
而民附賢能爲之用此可與爲援而不可圖也荊州北據
漢江利盡南海東連吳會西通巴蜀此用武之國也而其

主不能守殆天所以資將軍也益州隘塞沃野千里天府
之土高祖因之以成帝業劉璋暗弱張魯在北人殷國富
而不知恤智能之士思得明君將軍既帝室之胄信義著
於四海揔攬英雄思賢如渴若跨有荆益保其巖阻西和
諸戎南撫夷越結好孫權內修政事天下有變則命一上
將將荆州之軍以向宛洛將軍身率益州之衆出於秦川
百姓孰不箪食壺漿以迎將軍者乎誠如是則霸業可成
漢室可興矣先主曰善於是與亮情好日密關羽張飛不
悅先主解之曰孤之有孔明如魚之有水也願諸君勿復
言十二年曹公北征烏丸先主說表襲許表不能用及曹
公南征會表死子琮代立遣使請降先主屯樊城遂將其
衆去過襄陽諸葛亮說攻琮荆州可有先主曰劉荆州臨
亡託我以孤背信自濟死何面目見劉荆州乎吾不忍也

琮左右及荆州人多歸先主比到當陽衆且十萬輜重數
千兩日行十餘里或請先主曰宜速行保江陵今雖擁大
衆被甲者少若曹公兵至何以拒之先主曰夫濟大事者
以人爲本令人歸吾何忍弃去是時曹公又以江陵有軍
寶恐先主據之乃釋輜重輕軍到襄陽聞先主已過曹公
將精騎五千急追之一日一夜行三百餘里及於當陽之
長坂先主弃妻子與諸葛亮張飛趙雲等數十騎走遣諸
葛亮自結於孫權權遣周瑜等助之與曹公戰於赤壁大
破之焚其舟船羣下推先主爲荆州牧治公安益州牧劉
璋內懷恐懼遣法正迎先主先主留諸葛亮關羽等據荆
州將步卒數萬人入益州璋推先主行大司馬領司隸校
尉先主推璋行鎮西大將軍領益州牧璋勅關羽諸將文
書勿復關通先主先主大怒進圍成都數十日璋出降蜀

唐殷盛豐樂先主置酒大饗士卒蜀城中金銀分與將士
還其穀帛先主復領益州牧羣下尊先主爲漢中王還治
成都魏文帝稱尊號傳聞漢帝見害先主乃發喪制服追
謚曰孝愍皇帝是後建立禮儀上尊號即皇帝位於成都
章武元年夏四月大赦改年永安三年先主病篤託孤於
丞相亮夏四月先主殂于永安宮時年六十三五月梓宮
伯永安還成都謚昭烈皇帝秋八月葬惠陵十華陽國志曰漢末大亂雄傑並起若董卓呂布二表韓馬
張揚劉表之徒兼州連郡衆動萬計叱咤之間皆自謂漢
祖可踵桓文易邁而魏武神武肆略戡屠盪盡于時先主
名微衆鮮而能龍舉假翼荆楚翻飛梁益建元庸漢與之
鼎峙非英才命世孰克如是

劉禪

蜀志曰後主諱禪字公嗣先主子也建安二十四年先主
爲漢中王立爲王太子卽尊號爲皇太子先主殂于永安
宮後主襲位於成都時年十七是歲魏黃初四年也景耀
六年夏魏大興徙衆命征西將軍鄧艾數道並攻用光祿
大夫譙周策奉書降於艾後主輿櫬自縛詣壘門艾解縛
焚櫬延請相見因承制拜後主爲驃騎將軍諸圍守悉被
後主勅然後降下艾使後主止其故宮身往造焉後主乃
舉家東遷在位凡四十年旣至洛陽策命爲安樂縣公食
邑萬戶賜綉萬疋奴婢百人後司馬文王與後主宴爲之
作樂故蜀妓傍人皆爲感愴而後主喜笑自若王謂賈充
曰人之無情乃至於是乎雖使諸葛亮在亦不能輔之況
姜維邪充曰不如是殿下何由并之他日王問禪曰頗思
蜀否禪曰此閒樂不思蜀也蜀故秘書令郤正聞之求見

太平御覽卷第一百二十七
語禪曰王復問可言先人墳墓遠在隴蜀乃心西悲無日
不思因閉其目會王復問禪以此荅王曰何乃似郗正之
語也禪驚曰此實如尊命左右皆大笑後薨於洛陽
魏略曰始備在小沛不意曹公卒至迫遽棄家屬奔荊州
禪時年數歲匿竄隨人西入漢中爲人所賣及建安十六
年關中破亂扶風人劉括避亂入漢中買得禪問知其良
家子遂養爲子與娶婦生一子始禪與父相失時識其父
字玄德比舍人有姓簡者及備得益州而簡爲將軍備遣
簡到漢中舍都郵禪乃詣簡簡相驗訊事皆符驗簡喜以
語張魯魯乃洗沐送詣益州備乃立爲太子始備以諸葛
亮爲太子太傅及禪卽位以亮爲丞相委以諸事謂亮曰
政由葛氏祭則寡人亮亦以禪未閑於政遂摠內外
太平御覽卷第一百二十七

太平御覽卷第一百一十八

偏霸部二

吳孫堅

孫策

孫權

孫亮

孫休

孫皓

孫堅

吳志孫堅字文臺吳郡富春人蓋孫武之後也少爲縣吏
府召署爲校尉會稽妖賊許昌起於句章堅以郡司馬募
精勇得千餘人與州郡合討破之刺史藏旻列上功狀詔
書除堅鹽漬丞又徙下邳丞漢中平元年黃巾賊張角起
於魏郡遣車騎將軍皇甫嵩中郎將朱儁將兵討擊之儁
表請堅爲佐軍司馬堅又募精兵千許人與儁併力奮擊
所向無前拜別部司馬中平三年司空張溫西討邊章韓
遂溫表請堅參軍事溫以詔書召董卓卓良久乃詣應對

不順堅數卓三罪勸溫斬之溫不忍發舉軍還拜堅議郎
時長沙賊區星自稱將軍以堅爲長沙太守克破星等漢
朝錄前後功封堅烏程侯靈帝崩董卓專擅朝政諸州郡
舉義兵討卓堅亦舉兵比至南陽衆數萬人南陽太守張
咨晏然自若率咨於軍門斬之郡中震慄無求不獲前到
魯陽與表術相見術表堅行破虜將軍領豫州刺史遂治
兵於魯陽城進軍討卓卓憚堅猛壯乃遣將軍李儼音等
求和親堅曰卓逆天無道蕩覆王室今不夷汝三族懸示
四海則吾死不瞑目豈與汝和耶復進軍太谷距雒九十
里卓尋徙都西入關焚雒邑堅至雒修諸陵平塞卓所發
掘訖引軍往魯陽初平三年術使堅征荊州擊劉表表遣
黃祖逆於樊鄧之間堅破之追渡漢水圍襄陽單馬行岷
山爲祖軍士所射殺追謚武烈皇帝兄子賁帥將士衆還

就術術復表賁爲豫州刺史堅四子策權翊匡

孫策

吳志曰策字伯符堅初舉義兵策將母徙居舒與周瑜相
友江淮間人咸向之堅薨還葬曲阿已乃渡江居江都策
舅吳景時爲丹陽太守策乃載母徙曲阿興平元年從表
術術甚奇之以堅故部曲還策太傅馬日磾音仗節安集
關東辟策表拜懷義校尉術常歎曰使術有子如孫郎死
復何恨先是劉繇爲揚州刺史揚州舊治壽春壽春術已
據之繇乃渡江治曲阿時吳景尙在丹陽策從兄賁又爲
丹陽都尉繇至皆追逐之景賁退舍歷陽繇遣樊能等屯
江津張英屯當利以距術術以景爲督軍中郎將與賁共
將兵擊英等連年不克策乃說術乞助景等平定江東術
表策爲折衝校尉行殄寇將軍兵纔千餘騎數十疋賓客

願從者數百人比至歷陽衆五千策又徙母阜陵渡江轉
鬪所向皆破莫敢當其鋒而軍令整肅百姓懷之策爲人
美姿顏好笑語性闊達聽受善於用人是以士民樂爲致
死劉繇奔軍遁逃諸郡守皆捐城奔走吳人嚴白虎等衆
各萬餘人處處屯聚策引兵渡浙江據會稽乃攻破虎等
更置長吏策自領會稽太守彭城張昭廣陵張紘秦松等
爲謀主時表術僭號策以書責而絕之曹公表策爲討逆
將軍封爲吳侯後術死長史楊弘大將張勳等將其衆欲
說策廬江太守劉勳要擊悉虜之策輕軍襲拔廬江勳衆
盡降勳與數百人自歸曹公是時表紹方強而策并江東
曹公乃以弟女配策小第匡又爲子章取賁女又命楊州
刺史嚴象舉權茂才建安五年曹公與表紹相拒於官渡
策陰謀襲許迎漢帝密治兵未發會爲故吳郡太守許貢

客所刺傷創甚謂張昭等曰中國方亂以吳越之衆三江
之固足觀成敗公等善相吾弟呼權佩以印綬至夜卒時
年二十六追謚長沙桓王

孫權

吳志曰孫權字仲謀兄策既定諸郡時權年十五以爲陽
羨長郡察孝廉舉茂才行奉義校尉漢以策遠脩貢職遣
使者劉琬加錫命琬語人曰吾觀孫氏兄弟雖各才秀明
達然皆祿祚不終唯中弟孝廉形兒奇偉骨體不恒有大
貴之表年又最壽策薨以事授權權哭未及息策長史張
昭謂權曰孝廉此寧哭時耶扶令上馬使出巡軍曹公表
權爲討虜將軍領會稽太守屯吳建安八年權西征伐黃
祖破其舟軍劉備表權行車騎將軍領徐州牧十六年權
徙治秣陵明年城石頭改秣陵爲建業二十一年冬曹公

攻濡須權令都尉徐詳詣曹公報作於書重紆姓二十三年十月權將如吳親乘馬射虎馬爲虎所傷權投以雙戟虎却廢常從張世擊以戈獲之二十四年關羽圍曹仁於襄陽權內憚羽外欲以爲己功飛牋于曹公乞討關羽閏月權征羽遂定荊州曹公表權爲驃騎將軍持節領荊州牧封南昌侯權自公安都鄂改名武昌魏文帝踐祚加權九錫封爲吳王初權外託事魏而誠心不款魏乃遣侍中辛毗尙書栢階往與盟誓并徵任子權辭讓不受遂改元爲黃武元年臨江拒守權使太中大夫鄭泉聘劉備于白帝始復通好猶與魏文帝相往來至後年乃絕七年二月公卿百司皆勸正尊號夏四月武昌言黃龍鳳皇見丙申祭南郊即皇帝位是日大赦改元黃龍元年追尊父破虜將軍堅爲武烈皇帝母吳氏爲武烈皇后兄討逆將軍策

爲長沙栢王六月與蜀爲盟九月遷都建業四年魏使以馬求易珠璣翡翠瑁權曰此皆孤所不用而可以得馬聽與交易赤烏七年步騭朱然等各上疏云自蜀還者咸言蜀欲背盟與魏交通宜爲之備權曰吾待蜀不薄無以負之人言若不可信朕爲諸君破券保之蜀竟無謀如權所籌太元元年權祭南郊還寢疾二年四月薨時年七十一謚曰大皇帝葬蔣陵吳志評曰孫權屈身忍辱任才尙計有勾踐之奇英人之傑矣能自擅江表成鼎峙之業然性多嫌忌果於殺戮暨臻末年彌以滋甚至於讒說殄行胤嗣廢斃豈所以貽厥孫謀以宴翼子者哉其後遂致覆國未必不由此也

吳志曰權自陸口遂征合肥合肥未下徹軍還兵皆就路權與陵統甘寧等在津北爲魏將張遼所襲統等以死捍

權權乘駿馬越津渠得去

獻帝春秋曰張遼問吳降人曰向紫髯將軍長上短下大便馬善射是誰降人荅曰是孫會稽耶張遼樂進相謂言早知之急追即獲舉軍歎恨

吳曆曰曹公出濡須權數挑戰公堅守不出權乃自乘船從濡須口入公見舟船器仗軍伍整肅喟然歎曰生子當如孫權劉景升兒若狔犬耳權為賤與曹公說春水方生公宜速去別紙言足下不死孤不得安曹公語諸將曰孫權不欺孤乃徹軍還

江表傳曰堅為下邳丞時權生方頤大口目有精光堅異之以為有貴像及堅亡策起事江東權常隨從性度弘朗仁而多斷好俠養士始知名侔於父兄矣每參問計謀策甚奇之自以為不及也每請會賓客顧權曰此諸君之將

軍也

孫亮

吳志曰孫亮字子明權少子權春秋高而亮最少故尤留意姊全氏公主嘗譖太子和子母心不自安因倚權意欲豫自結數稱述全尚女勸權為亮納焉赤烏十三年和廢權遂立亮為太子以全氏為妃權薨太子即尊號大赦改元建興元年冬十月大傅諸葛恪率軍遏巢湖城東興十二年二月魏使將軍諸葛誕等步騎七萬圍東興恪以大兵赴敵大破魏軍太平元年以從兄偏將軍繇丑林切為侍中武衛將軍領中外諸軍事二年四月亮臨正殿大赦始親政事又料兵家子弟十八已下十五已上得三千餘人選大將子弟年少有勇力者為之將帥亮曰吾立此軍欲與之俱長日於苑中習焉三年亮以繇專恣與大常全尚將軍

太平御覽 卷一百一十八 五
劉承謀誅繚九月繚以兵取尚遣弟恩攻殺承於蒼龍門
外召大臣會官門黜亮爲會稽王時年十六
吳曆曰亮出西苑方食生梅使黃門至中藏取蜜漬梅蜜
中有鼠屎召問藏吏吏叩頭亮問吏曰黃門從汝求蜜耶
吏曰向求實不敢與黃門不服侍中刁玄張邠啓黃門藏
吏辭語不同請付獄推亮曰此易知耳令破鼠屎裏燥
亮大笑謂玄邠曰若久在蜜中中外當俱濕今裏燥必黃
門所爲黃門首服左右莫不驚悚

孫休

吳志曰孫休字子烈權第六子也年十三從中書郎謝慈
郎中盛冲受學太元二年正月封琅耶王居虎林四月權
薨休弟亮承統諸葛恪秉政不欲諸王在濱江兵馬之處
徙休於丹陽郡太守李衡數以事侵休休上書乞徙他郡

詔徙會稽居數歲夢乘龍上天顧不見尾覺而異之孫亮
廢孫繚使宗正孫楷與中書郎董朝迎休休初問問意疑
楷朝具述所以奉迎本意留一日一夜發行至曲阿有老
公于休叩頭曰事久變生天下喁喁願陛下速行休善之
是日進及布塞亭武衛將軍孫恩行丞相事率百僚以乘
輿法駕迎於永昌亭繚以兵千人迎拜於道側休下車答
拜即日御正殿大赦改元永安元年冬繚一門五侯皆典
禁兵權傾人主休聞繚逆謀陰與張布圖計十二月戊辰
臘辰百僚朝賀公卿升殿詔令武士縛繚即日伏誅五年
以衛將軍濮陽興爲丞相休以丞相興及左將軍張布有
舊恩委之以事布典宮省興闕軍國休銳意於典籍欲畢
覽百家之言又好射雉春夏之間常晨出夜還唯此時舍
書休欲與博士祭酒韋曜博士盛冲講論道藝曜冲素皆

切直布恐入侍發其陰失令已不得專國因妄飾說以折
遏之休荅曰孤之涉學群書略偏所見不少也其明君闇
主奸臣賊子古今賢愚成敗之事無不覽也今曜等入但
欲與講論書耳不為從曜等始更受學也縱復如此亦何
所損君特當以曜等恐道臣下奸變之事以此不欲令人
耳如此事孤已自備之不須曜等然後乃解也此都無所
損君意特有所忌故耳布得詔陳謝重自序述又言懼妨
政事休荅曰書籍之事患人不好好之無傷也此無所為
非而君以為不宜是以孤有所及耳聖王務學業其流各
異不相妨也不圖君今日在事更行此於孤也良甚不取
布拜表叩頭休荅曰聊相開悟耳何至叩頭乎如君之忠
誠遠近所知往者所以相感今日之巍巍也詩云靡不有
初鮮克有終終之實難君其終之初休為王時布為左右

將督素見信愛及至踐祚厚加寵待專擅國勢多行無禮
自嫌瑕短懼曜冲言之故尤患忌休雖解此旨心不能悅
更恐其疑懼竟如布意廢其講業不復使冲等入七年七
月休薨時年三十謚曰景皇帝
江表傳曰休寢疾口不能言乃手書呼丞相濮陽興入令
子暉音灣出拜之休把興手而指暉以託之也。襄陽記曰
李衡為丹陽太守時休在郡衡數以法繩之妻習氏每諫
衡衡不從會休立衡懼謂妻曰不用卿言以至於此遂欲
奔魏妻曰琅邪王素好善慕名方欲自顯於天下終不以
私嫌殺君明矣可自囚詣獄如此乃當逆見優饒非但直
活而已衡從之果得無恙又加威遠將軍授以棨戟
吳志曰休詔曰丹陽太守李衡以往事之嫌自拘有司夫
射鈞斬袪在君為君遣衡還郡勿令自疑

孫皓

吳志曰孫皓字元宗權孫和之子也一名彭祖字皓宗孫
休立封皓爲烏程侯遣就國西湖民景養相皓當大貴皓
陰喜而不敢泄休薨是時蜀初亡而交阯攜叛國內震懼
貪得長君左典軍萬彧皆爲烏程令與皓相善稱皓才識
明斷是長沙桓王之儔又加之好學奉遵法度屢言之於
丞相濮陽興左將軍張布布與說休妃太后朱欲以皓爲
嗣朱曰我寡婦人安知社稷之慮苟吳國無隕宗廟有賴
可矣於是遂迎立皓時年二十三改元大赦皓既得志龔
暴驕盈多忌諱好酒色大小失望興布竊悔之或以語皓
十一月誅興布天紀三年冬晉命鎮東將軍司馬_音伯安
東將軍王渾楊州刺史周浚太尉賈充爲大都督量宜處
要勢之中初皓每宴會羣臣無不咸令沉醉置黃門郎十

人特不與酒侍立終日爲司過之吏宴罷之後各奏其闕
失罔有不舉大者卽加威刑小者咸以爲罪後宮千數而
采擇無已又激水入宮宮人有不合意者輒殺流之或剥
人面或鑿人眼岑昏險諛貴幸致位九列好興功役衆所
患苦是以上下離心莫爲皓盡力蓋積惡已熟不復堪命
故也晉軍所至則土崩瓦解而王濬順流將至司馬_音伯安
渾皆臨近境皓用光祿勳薛瑩中書令胡冲等計分遣使
奉書於濬濬先到於是受皓之降解縛焚櫬延請相見_音伯
以皓致印綬於己遣使送皓皓舉家西遷以太康元年三
月丁亥就集于京邑四月詔賜號爲歸命侯給衣服車乘
田三十頃歲給穀五千斛錢五十萬絹五百疋綿五百斤
皓太子瑾拜郎中五年皓死于洛陽<sub>吳錄曰皓以四年十
二月死時年四十二</sub>
葬河南_{縣也}

世說曰晉武帝問孫皓曰聞南方人好作爾女歌頗能不
時止飲酒因舉觴勸帝而言曰昔與汝國隣今爲汝作臣
上汝一杯酒令汝壽萬春帝悔之
吳志評曰皓淫刑所濫殞斃流黜者蓋不可勝數是以羣
下人人惴恐虐用其民窮淫極侈且其腰首分離以謝百
姓既蒙不死之詔復加歸命之寵豈非曠蕩之恩過厚之
澤也哉

太平御覽卷第一百十八

太平御覽卷第一百一十九

偏霸部三

前趙劉元海

劉淵

劉聰

劉驥

劉元海

晉書載記序曰劉元海以惠帝永興元年據離石稱漢後
九年石勒據襄國稱趙張氏先據河西是歲自石勒後三
十六年也重華自稱涼王後一年冉閔據鄴稱魏後一年
符健據長安稱秦慕容氏先據遼東稱燕是歲自符健後
一年也僞始僭號後三十一年後燕慕容垂據鄴後二年
西燕慕容冲據阿房是歲也乞伏國仁據枹罕稱秦後一
年慕容永據上黨是歲也呂光據姑臧稱涼後十二年慕
容德據滑臺稱南燕是歲也秃髮烏孤據廉川稱南涼段
業據張掖稱北涼後三年李玄盛據燉煌稱西涼後一年

沮渠蒙遜殺段業自稱後涼四月譙縱據蜀稱成都王後二年赫連勃勃據朔方稱大夏後二年馮跋殺離班據和龍稱北燕提封天下十喪其八莫不龍旌帝服建社開枋華夷咸暨人物斯在或篡通都之鄉或擁數州之地雄圖內卷師旅外并窮兵凶於勝負盡人命於鋒鏑其爲戰國者一百三十六載抑元海爲之禍首云

前趙劉淵

崔鴻十六國春秋前趙錄曰劉淵字元海新興匈奴人先夏后氏之苗裔曰淳維世居北狄千有餘歲至冒頓襲破東胡西走月氏北服丁零內侵燕岱控弦四十萬漢祖患之始使劉敬奉公至以妻之約爲兄弟故子孫遂冒姓劉氏建武初入居西河美稷後漢中平中單于羌渠使子於扶羅將兵助漢討平黃巾會羌渠爲國人所殺於扶羅以

其衆留漢立爲單于屬董卓之亂寇掠太原河東屯於河內於扶羅死弟呼廚泉立以於扶羅子豹爲左賢王卽元海父入朝魏武因留之爲分其衆爲五部以左賢豹爲左部帥其餘帥皆以劉氏爲之太康中改置都尉雖分屬五部皆家于晉陽汾澗之濱豹妻呼延氏魏嘉平中祈子於龍門有一大白魚頂有二角軒鬚躍鱗而至祭所久之乃去巫覡皆異之曰此嘉祉其夜夢所見魚變爲人左手把一物大如雞子光景非常授呼延曰此是日精服之生貴子寤以告豹豹曰吉徵也自是十五月而生淵淵生左手有文曰淵海遂以名焉幼而好學不捨晝夜常謂同門生朱紀范隆等曰吾每觀書傳常鄙隨陸之無武絳灌之無文一物之不知固君子耻之也二生遇高皇不能建封侯之業兩公屬太宗不能開庠序之美惜哉於是文學武事

並皆工絕猿臂善射膂力過人身長八尺四寸鬚長三尺
餘當心有赤毫毛三根長三尺六寸太原王渾虛衿友之
命子濟拜焉咸熙中爲任子在洛陽晉文王深待之時東
萊王彌等皆憑結渾言之於晉武帝帝召見與言大悅之
後謂王濟曰劉元海容兒風儀機談鑒智雖由余日碑無
以加也會父豹卒帝以淵代爲左部帥轉寧朔將軍監五
部軍事大安中惠帝失政諸王迭相殘廢州郡奸豪所在
蜂起從祖北部都尉右賢劉宣等議曰右賢淵姿器絕人
幹宇超世天不恢崇單于終不虛生此人也於是共推淵
爲大單于淵曰當爲崇崗峻阜何能爲培螻乎夫帝王豈
有常哉大禹生於西戎文王生於東夷顧惟德所授耳今
見衆十餘萬皆一當晉十鼓行摧亂晉猶拉枯耳上可成
漢高之業下不失爲魏氏何呼韓耶足道哉宣等稱善元

熙元年遷於左國城晉人東附者數萬宣等上尊號淵曰
今晉氏猶在四方未定可仰遵高皇初法且稱漢王權停
皇帝之號待宇宙混一當更議之十月爲壇南郊僭漢王
位改晉永興元年爲元熙元年大赦天下追尊劉禪爲孝
懷皇帝立三宗五祖之神主而祭之置百官以劉宣爲丞
相拜授各有差四部之東萊王彌起兵青徐遣使來降拜
鎮東大將軍青州刺史東萊郡公四月汲桑叛自稱趙王
選置州郡十一月石勒及胡部等帥衆來降永鳳元年秋
七月鳳皇集于蒲子丞相劉宣等六十四人上尊號十月
僭卽皇帝位于南郊大赦改元以衛軍和爲大將軍撫軍
聰爲車騎大將軍建武曜爲龍驤大將軍河瑞元年遷都
平陽汾水中得玉璽大赦改元二年以大司馬梁王和爲
皇太子八月淵寢疾以劉洋爲太傅延年爲太宰司徒聰

爲大司馬大單于並錄尚書置單于平陽西淵薨于光極殿太子和卽位聰自西明門攻斬和于西室九月葬淵永光陵謚曰光文皇帝廟號高祖

劉聰

崔鴻十六國春秋前趙錄曰劉聰字玄明一名載淵第四子母張夫人之孕夢日入懷寤而告淵淵曰吉徵也自是十五月而生聰夜有白光之異左耳有一白毫長二尺餘幼而聰寤究通經史百家之言孫吳兵勢靡不通之援臂善射彎弓三百斤膂力驍捷冠絕一時以永嘉四年僭卽帝位于光極前殿大赦改元光興元年以衛尉呼延晏爲前鋒大都督配禁兵二萬七千自宜陽入洛州命東萊王彌龍驤曜鎮軍石勒進軍會之比及河南十二敗晉師長驅圍洛陽陷之縱兵大掠幽晉帝于端門煞晉太子及諸

百官已下二十餘人洛水北築爲京觀遷帝及太后侍中庾珉等于平陽大赦改光興爲嘉平元年二月晉帝進號儀同三司會稽郡公聰引帝入譙謂曰卿爲豫章王時朕曾與王武子相造武子介朕於卿言聞其名久矣以卿所作樂府歌文示朕謂朕曰聞君善爲辭賦試爲看之朕時與武子俱爲盛德頌卿稱善久之又引朕射于皇堂朕得十二籌卿與武子俱得九籌卿贈朕柘弓銀硯頗憶不帝曰臣安敢忘之但恨爾日不早識龍顏耳聰曰卿家骨肉相殘何其甚也帝曰此殆非人事皇天之意大漢將應乾受曆故爲陛下自相驅除且臣家若能奉武帝之業九族敦睦者陛下何由得之三年正月醮於光極前殿逼晉帝行酒庾珉王雋等起而大哭聰惡之二月丁未懷帝崩于平陽於是誅珉等三月立貴嬪劉氏爲皇后四月愍帝卽

太平御覽 卷一百一十九
位於長安車騎曜等攻長安河東地震雨于平陽建元元年正月黑霧四塞着人如墨五日而止辛酉庚時日落地三月相承出於西方東行平陽地震崇明觀陷爲池水赤如血赤氣至天有赤龍奮迅而去流星起于牽牛入紫微龍形逶迤其光照地落于平陽北十里視之則肉鼻聞于平陽長三十步廣二十七步肉旁常有哭聲晝夜不止聰甚惡之癸未劉后產一蛇一虎各害人而走尋之不得頃之見在隕肉旁己丑劉氏卒乃失此肉哭聲亦止十一月以晉王粲爲國相大單于摠百揆十二月宣光陵石人皆行數步宮中鬼哭麟嘉元年武庫陷入地一丈五尺聰自去冬至是遂不復受朝賀軍國之事一決於粲立市於後庭與宮人譙戲或三日不醒七月河東大蝗唯不食粟豆司隸靳準牽部民收而埋之哭聲聞于十餘里然後鑽土

飛出復食黍豆大司馬曜攻陷長安外城九月犬與豕交于宮門有豕着進賢冠昇聰御坐犬冠帶綬與豕並昇俄而鬪死殿上宿衛莫有見其入者長安飢甚死者過半麴允爲粥以供帝膳帝泣曰今窘厄如此外無救援勢不自支乃使侍中宗敞奉牋降暉敞隨使者至帝肉袒牽羊輿櫬銜璧出降東門曜受璧焚櫬遷愍帝及司徒梁汾驃騎麴允等諸臣百餘人至于平陽聰臨光極殿帝稽顙于前麴允伏地大哭扶不能起聰大怒允自殺以帝爲光祿大夫懷安侯以大司馬曜假黃鉞大都督陝西諸軍事太宰秦王二年正月東平王約卒十一月聰校獵上林以晉帝行車騎大將軍戎服執戟前導行三驅之禮觀者皆指帝曰此故長安天子聚而觀之故老亦有悲泣者十二月大饗于光極前殿聰欲觀晉臣之意使帝行酒洗爵更衣又

使帝執蓋多有涕泣或有失聲者尚書郎辛賓起而抱帝
大哭引出斬之戊戌愍帝崩于平陽三年聰所居螽斯則
百堂灾會稽王康已下二十一子焚焉而卒自此鬼哭宮
中至於九月夜聲不絕四月尚書令王監崔懿之等極諫
聰大怒收監等斬之秋七月鬼哭于光極殿聰晝見東平
王約甚惡之徵秦王驩爲丞相錄尚書事固辭仍以丞相
領雍州牧斬准爲大司空領司隸校尉癸亥薨于建始殿
甲子粲卽位大赦改年漢昌葬宣光陵爲謚昭武皇帝廟
號烈宗八月以丞相曜爲相國大都督司空斬准爲將軍
領尚書事粲荒酌酒色遊讌後庭軍國之事一決於准准
遂勒兵入宮執粲數而殺之追謚靈帝劉氏無少長男子
盡刑于市發掘二陵焚燒宗廟鬼大哭聲聞百里准自號
漢大王置百官遣使稱蕃于晉相國曜自長安赴難

前趙錄曰麟嘉元年十二月大將軍東平王約卒一指猶
煖遂不殯殮至甲戌乃蘇言見淵於不周山經五日遂復
從至崑崙山三日而復反於不周見諸王公卿將相死者
悉在大有人民宮室甚壯麗號曰蒙珠離國淵謂約曰東
北遮須夷國無主久待汝父爲之汝後二年當來後國中
大亂相殺害吾家死亡略盡但可永明輩十數人在耳汝
但還後年當來見汝不遲不久約拜辭而歸道過一國曰
猗尼渠餘國引約入宮與皮囊一枚曰爲吾遺漢皇帝約
辭而歸謂約曰劉郎後年來必見過當以女相妻約歸置
皮囊於机上俄而蘇謂左右曰机上取囊來左右取得開
有一方白玉題文曰猗尼渠餘國天王敬信遮須夷國天
王歲在攝提當相見馳使奏呈聰曰若當如此吾不懼死
也及聰以戊寅歲薨與此玉并葬焉

劉曜

崔鴻十六國春秋前趙錄曰劉曜字永明淵之族子少孤見養於淵幼而聰惠性託落高亮與衆不羣鐵厚一寸射而洞之身長九尺三寸手垂過膝生而眉白目有赤光鬚不過百餘根皆長五尺光初元年十月太保呼延晏等自平陽來奔上尊號于曜僭卽皇帝位十二月斬准左右車騎喬太王騰等殺准奉六璽來降二年夏四月徙都長安立子熙爲皇太子六月繕宗廟社稷南北郊于長安令曰蓋王者之興必禘始祖我皇家之先出自夏后居于北夷世跨燕朔光文以漢有天下歲久恩德結於民庶故立漢祖宗之廟以懷民望昭武因循遂未悛革今欲除宗廟改國號御以大單于爲太祖其速議以聞於是太保呼延晏等議曰今宜承晉母子傳號以光文本封盧奴中之屬城

陛下勳功懋於平洛終於中山中山分野屬大梁趙也宜革稱大趙遵以水行曜從之於是以冒頓配天淵配上帝三年五月西明門內大樹風吹折一宿樹撥撥變爲人形鬚長一尺鬚眉三寸皆黃白色有斂手之狀亦有兩脚着履之形唯無目鼻每夜有聲十日而生柯條遂爲大樹枝葉甚茂四年將於霸陵西南營壽陵侍中喬豫和苞上疏諫曰伏聞勅旨營陵將周迴四十里下深二十五丈以銅爲棺槨黃金飾之臣聞堯葬穀林市不改肆顓頊葬廣陽下不及泉聖王之終也如是秦始皇下銅三泉周逾七里身亡之後毀不旋踵閻王之終也如此從喪亂已來漢帝諸陵咸見踐辱唯霸陵獨全此雖太宗之達至然抑亦釋之之功興亡奢儉罔然於前唯陛下覽之曜大悅終南山崩崩所得白玉一只有字曰皇亡皇亡敗趙昌以爲己瑞

羣臣咸賀中書監劉均曰山崩石壞國傾民亂皇亡皇亡
敗趙昌者此言皇室將爲趙所敗趙因之而昌大趙都於
秦雍而勒跨全趙趙昌之應當在石勒不在我也曜撫然
改容五年曜后羊氏卒故晉惠后也洛陽之陷納之六年
正月天裂廣一丈餘長五十丈十一年七月石虎帥衆四
萬人寇擾河東進攻蒲坂曜盡中外精銳自潼關北濟虎
懼引師而還曜追而敗之枕尸二百餘里虎奔朝歌遂攻
石生于金墉分遣諸將攻討汲郡河內十二月勒自帥衆
拒之陣于洛西曜性少酗酒末年尤甚將戰飲數斗常乘
赤馬無故踟頓乃乘小馬比出復飲斗餘至于西陽門搗
陳就平勒將石堪因而乘之師遂大潰曜昏醉奔退馬陷
石渠墜于冰上爲堪所執勒將還襄國喻曜使與太子毗
書令速降曜但勅毗與諸大臣匡維社稷勿以吾易意建

平末爲勒所殺十二年正月太子毗大司馬南陽王肅等
議欲西保秦州遂相牽奔上邽石虎乘勝追戰枕尸千里
上邽潰虎執毗及王公已下三千餘人皆殺之自劉淵建
號西河至是二十有六載
晉書載記曰曜在位十年而敗始元海以懷帝永嘉四年
僭立至曜三世凡二十有七載以成帝咸和四年滅

太平御覽卷第一百一十九

太平御覽卷一百一十
 晉書 卷一百一十
 石勒 石虎 石閔
 石勒字世龍 上黨武鄉羯人
 父周曷朱勒生時赤光滿室白氣自天屬于庭中長而壯
 健有膽力雄武好騎射幼而力耕每聞鞞鐸之聲或在
 前 後懼以告父母曰作勞耳鳴非不祥也會并州刺史司馬
 騰執諸胡山東賣充軍實將詣冀州兩胡一柳勒亦在中
 東至平原賣荏平人師懽為奴每夜於野嘗聞鼓角之聲
 諸奴亦聞歸以白懽懽奇而免之隣於馬牧率汲桑往來
 勒以能相馬自託於桑而備武安臨水為遊軍所囚會有
 羣鹿傍過軍人競逐之勒乃獲免俄而見一老父謂勒曰

太平御覽卷第一百二十

偏霸部四

後趙石勒

石弘

石虎

石閔

石勒

崔鴻十六國春秋後趙錄曰石勒字世龍上黨武鄉羯人
 父周曷朱勒生時赤光滿室白氣自天屬于庭中長而壯
 健有膽力雄武好騎射幼而力耕每聞鞞鐸之聲或在
 前 後懼以告父母曰作勞耳鳴非不祥也會并州刺史司馬
 騰執諸胡山東賣充軍實將詣冀州兩胡一柳勒亦在中
 東至平原賣荏平人師懽為奴每夜於野嘗聞鼓角之聲
 諸奴亦聞歸以白懽懽奇而免之隣於馬牧率汲桑往來
 勒以能相馬自託於桑而備武安臨水為遊軍所囚會有
 羣鹿傍過軍人競逐之勒乃獲免俄而見一老父謂勒曰

羣鹿者我也君應爲中州主故相救耳勒拜而受命遂招
集王陽夔安等十八騎復東如赤龍騎諸苑中乘苑馬遠
掠繒寶以賂汲桑永興元年關東所在兵起二年陽平人
公師蕃等自稱將軍起兵趙魏衆至數萬勒與汲桑率牧
人乘苑馬數百騎以赴之桑始命勒以石爲姓以勒爲名
永嘉元年勒歸劉淵淵拜爲輔漢將軍平晉王淵薨聰襲
位劉曜王弥圍洛陽勒帥精騎三萬會之王弥旣平洛陽
將先誅勒勒請弥讎于己管手斬弥并其衆將軍郭默獲
沙門竺浮圖澄以其有道術進之於勒試澄有效甚尊重
之前趙嘉平二年張賓說勒曰邯鄲襄國趙之舊都依山
憑險形勢之固可擇此二邑而都之然後命將四出授以
奇略王業可圖勒於是進據襄國聰授勒都督幽冀并營
四州諸軍事冀州牧進封本郡上黨公邑萬戶三年以征

虜將軍石虎爲魏郡太守鎮業三臺基謀之萌兆於此矣
前趙麟嘉元年劉琨遣姬澹帥衆來討勒與戰澹軍大敗
琨長史李弘以并州來降七月劉聰疾甚以勒爲大將軍
錄尚書事受遺輔政勒固辭乃止劉曜稱尊號將授勒太
宰大將軍加九錫增封十郡并前二十郡出入警蹕如曹
公輔漢故事曜聞曹平樂之言停太宰之授勒大怒曰趙
王趙帝孤自取之名號大小豈爾所呼耶征虜虎與左右
長史張敬張賓等上疏曰大司馬雖位冠九台非霸者之
號請改稱大將軍大單于領冀州牧趙王依魏王在鄴故
事以二十四郡戶二十九萬爲趙國十一月勒卽位改光
初二年爲趙王元年建社稷宗廟主書司典胡人出內重
其禁法不聽侮易衣冠華族號胡爲國人二年令曰國人
不聽報嫂及在喪婚娶至於燒葬令如本俗八月繕軒縣

舞八佾作金根大輅黃屋左纛天子禮樂於斯備矣三年
黎陽民陳武妻產三男一女上書自陳令曰昔周之興也
四乳八子今武妻一乳四子可謂慶過姬祥美加曩日其
賜乳婢一人穀百石雜繒四十疋庶以肅迎嘉祥冬十月
勒與鄉親齒坐語及平生勒曰李陽壯士也孤方任之何
以不來父老歸語令速來漚麻池之忿是布衣之恨孤方
崇信于天下寧讎疋夫乎令曰武鄉吾之豐沛也其復之
三世十一月李陽至引入權酣宣陽臂笑視之曰卿雖老
臂中猶有力頗復與人鬪不孤往日厭卿老拳卿亦飽孤
毒手賜甲第一區拜爲都尉陽與勒隣居歲常爭漚麻池
迭相歐擊四年二月拜子弘爲世子勒雅好文學雖在軍
旅之中常令儒生讀春秋史漢諸傳而聽之聞酈食其勸
立六國後大驚曰此法當失何以得成天下至留侯諫乃

曰賴有此侯耳其天資英達如此八年八月脩三臺十月
以世子衛將軍弘鎮鄴大和十年劉曜圍洛陽襄國大震
勒統步騎四萬赴金墉濟河先是流澌風猛軍至冰泮清
和濟畢流澌大至以爲神靈之助命曰靈昌津戰于西陽
門曜軍大潰石堪執曜送之二年曜子熙等去長安奔于
上邽車騎虎尅上邽遣主簿趙封奉傳國玉璽送之秦隴
悉平建平元年二月車騎虎等上尊號勒不許固請勒以
趙天王行皇帝事大赦八月羣臣又固請以名位不正宜
卽尊號九月僭卽皇帝位大赦改年正月勒南郊有白氣
自壇屬天勒大悅四月勒如鄴議營新宮廷尉續咸諫曰
臣聞唐虞之治採椽茅茨土階三尺美彰于詩書漢文惜
百金不營露臺稱之於千古迨夏商之瓊臺瑤室楚秦章
華阿房資財內竭華夷外叛詔曰且勅停作申吾直臣之

太平御覽 卷一百一十一
氣九月以太尉中山王虎爲大司馬程遐開府儀同是月大雨霖中山西北暴水流巨木萬餘根集于堂陽勒大悅謂公卿曰此非爲災天意欲吾營鄴都耳於是營之勒以成周漢晉舊京欲有移都之意乃命洛陽爲南都置行臺治書侍御史于洛陽三年正月大饗于建德殿酒酣勒謂徐光曰朕方自古開基何等主也光對曰陛下神武籌略邁于高皇雄藝卓犖超絕魏祖自三王已來無可比也其軒轅之亞乎勒笑曰人豈不自知卿言亦已太過朕若逢高皇當北面而事之然猶與韓彭競鞭而爭先耳脫遇光武者當並驅于中原未知鹿死誰手丈夫行事當礪礪落落如日月皎然終不能如曹孟德司馬仲達父子欺他孤兒寡婦狐媚以取天下也朕在二劉之間軒轅豈所擬乎羣臣皆稱萬歲四年雍州刺史石生上言西鄉竹死虵鼠

關於安定府閭二日虵死臨涇馬生角長安城中雞鳴音皆曰基茲安定廳事前夜聞誦書聲求之不得七日乃止隕石于肥鄉六日勒寢疾召中山王虎太子弘中常侍嚴震等侍疾禁中七月薨于西閣僞謚明皇帝廟號高祖晉書曰勒年十四隨邑人行販洛陽倚嘯上東門王衍見而異之顧謂左右曰向胡雛吾觀其聲視有奇志恐將爲天下之患馳遣收之會勒已去

石弘

崔鴻十六國春秋後趙錄曰石弘字大雅勒第三子母程夫人右光祿遐之妹建平元年立爲太子虛衿愛士好爲文詠其所親昵莫非儒素勒謂徐光曰大雅惜惜殊不似將家子光曰漢祖以馬上取天下孝文以玄默治之聖人之後必世勝殘天之道也勒大悅程遐言於勒曰中山快

快不可以輔少主宜早除之以便大討勒不從勒薨虎執政臨軒召子冀州刺史邃帥兵入禁宿衛文武無不奔散弘大懼策拜中山王虎爲丞相以十三郡封爲魏王又加九錫虎僞讓後乃受之延熙元年七月改頓丘爲衛國分魏郡立黎陽十月弘賞璽綬親詣魏宮喻禪意虎曰弘昏昧愚暗虺喪無禮不可以君臨萬國奉承宗廟便當廢之云何禪讓也十一月廢弘爲海陽王弘就車容色自若幽弘及太后南陽王恢于崇訓宮煞之時年二十二

石虎

崔鴻十六國春秋後趙錄曰石虎字季龍勒之從子勒父朱幼而子之故或謂之爲勒弟晉永興中與勒相失嘉平元年劉琨送勒母王及虎于葛陂時年十七殘忍好馳獵誼遊無紀度尤善彈人軍中每患之勒曰王曰此兒凶暴

無使軍人殺之聲名可惜宜自除也王曰快牛犢子小時多能破車爲復小忍勿怯之至十八檢攝恭謹嚴重愛士弓馬迅健勇冠當時勒深嘉焉拜征虜將軍性酷虐無道軍中勇幹策略與己侔者輒因事害之至於降城陷壘坑斬士女鮮有遺類勒屢加責誨而行意自若然御衆嚴而不煩莫敢犯者指授攻討所向無前故勒寵信彌隆仗以專征之任旣廢殺弘稱居攝趙天王建武元年正月大赦改年虎志荒內遊外耽營繕使太子邃省可尙書奏事選守牧祀郊廟征伐刑斷乃親覽之三月南遊臨江初還江東大震是日鶴省臺成賜匠有差九月遷都鄴宮二年徙洛陽鍾簾九龍等于鄴是歲大武殿東西宮皆就大武殿基二丈八尺穿爲伏室置衛士五百人於其中東西七十五步南北六十五步皆漆瓦金璫銀楹珠簾玉壁窮極伎

太平御覽 卷一百一十 五
巧起靈臺之殿于顯陽後採召百官州郡民女以充之後
庭服綺縠珍奇者萬餘人內置女官十八等教官人星占
及馬步射置女太史於靈臺仰觀災祥以考外太史虛實
禁郡國不得私知學星識左校令成公段造庭燎于崇杠
之末高十餘丈上盤置燎下盤置人緇繳上下虎試而悅
之三年太保安夔等文武五百九十人上皇帝尊號勸進
方入而庭燎油灌下盤死者七人虎大怒腰斬成公段于
闔闔門即天王位南郊大赦親王貶爲郡公蕃王爲縣侯
太子遂搯百揆其後荒酒淫色驕恣無道或盤于遊畋縣
管而入或夜百騎宿于宮臣家淫其妻妾裝飾宮人美淑
與其交褻後殺之合牛羊肉煮而食亦賜左右所以識其
味也虎荒耽內遊威怒違度遂以事可呈之怒曰此小事

何足呈也時有所不聞復怒曰何以不呈誚責杖捶月至
再三遂甚愠私謂中庶子李顏等曰官家難稱吾欲行冒
頓之事卿從我乎顏等伏不敢對事發幽遂于東宮殺之
及妃張氏男女二十六人盡賜死合一棺埋之誅其宮臣
友黨二百餘人立河間公宣爲太子建武六年追尊號考
樂平孝公爲太宗孝皇帝八年六月上黨孟門上有神人
之像坐于山上三日而去虎遣使以太牢祀之九年十二
月武鄉送雄虎變爲雌乳一狼子七日噬虎腦而殺之後
三日狼子亦死佛圖澄聞之流涕十年虎起河橋於靈昌
津採石爲中濟石無大小輒隨流用工五百餘萬不成虎
如靈昌津沉壁告誠壁浮于渚上水波騰上津所殿觀莫
不傾壞壓死者百餘人虎恚甚斬工匠而還十一年發雍
梁十六萬人城長安未央宮又發司豫荆兗二十六萬人

太平御覽 卷一百一十七
城洛陽宮十三年二月虎親耕籍田于桑梓苑十四年三月虎夢龍飛西南自天落地且而問澄公公曰禍將至矣陛下宜父慈子和深以慎之四月秦公韜起宣光殿于太尉府梁長九丈太子宣視而惡之斬匠截梁而去韜怒增之十丈宣聞之恚甚謂楊柁牟成等曰韜凶豎勃逆敢違我如是汝等能殺之者吾入宮盡以韜之國邑分封汝等韜既死主上必親臨喪因行大事無不濟矣柁等許諾八月殺韜宣奏之虎哀絕久之乃蘇召太子宣鎖繫於鄴北火焚殺之議立太子于東堂虎曰吾欲以純灰三斗洗吾腹穢惡故生凶子兒年二十便欲殺父今世方十歲比其二十吾已老矣齊公世爲皇世子立昭儀劉氏爲皇后十一月饗群臣于大武前殿佛圖澄殿上褰衣而行吟曰棘子成林將壞人衣虎發石而視之有棘子生焉冉閔小字

棘奴也十二月辛巳雷大雨霖虎問佛圖澄澄曰其爲我乎至戊子而澄卒大寧元年正月虎僭即皇帝位于南郊大赦改年二月有沙門從雍州來稱見佛圖澄西入關虎掘之無屍唯有一石虎惡之曰石者朕也葬我而去吾將死矣因而寢疾四月薨于金華殿晉書曰季龍始咸康元年凡在位十五年子世卽位尊劉后爲太后彭城王遵先鎮關右至是勒兵而還戎卒九萬次于蕩陰石閔爲前鋒都督太后令授遵丞相加九錫增封十郡己丑至安陽亭庚申曜兵入自鳳陽門昇太武前殿盡哀退如東閣群臣敦勸卽位大赦封世爲譙王邑萬戶廢太后劉氏爲昭儀尋皆殺之世立凡三十日尊其母鄭氏爲皇太后立妃張氏爲皇后大司馬義陽王鑒爲太傅沛王冲爲太保石閔爲都督中外諸軍事錄尚書事甲午太武殿災諸門觀閣蕩然服

御燒者太半光炎照天月餘乃滅乙未雨血周遍鄴城六月葬虎顯原陵僞謚武皇帝廟號太祖十一月石閔劫司空李農右衛王基等謀共廢遵閔使將軍蘇彥周成帥甲士三十八人執遵于南臺如意觀遵時方與婦人彈碁問成等曰反者誰也成曰義陽王鑒當立遵曰我尚如是汝等立鑒復幾時遂殺之于琨華殿并誅鄭太后張皇后遵字太祗虎第九子凡在位百八十三日鑒卽位大赦以石閔爲將軍封武德王李農爲大司馬鑒使中書令李松殿中將軍張才等夜誅閔農于琨華殿不克禁中擾亂鑒僞不知夜斬松才於西中華門龍驤將軍孫伏都劉銖等結羯士三千人伏于胡天亦欲誅閔等時鑒在中臺伏都帥三十人將昇臺挾鑒以攻之鑒見問其故伏都曰閔農等反已在都掖門臣嚴帥衛士謹先啓知鑒曰卿好陳力勿

憂無報也伏都等攻閔農不克閔農攻斬伏都等自鳳陽門至琨華橫尸相枕諸胡羯無少長斬之死者二十餘萬人于時高鼻多鬚至有濫死者初青龍元年正月石閔欲滅二石之號議曰孔子曰易姓而王七月者七十有三國繼趙李讖書炳然且德星鎮衛宜改號大衛易姓李氏又大赦改元閏月廢鑒殺之誅虎孫三十八人盡殪石氏鑒在位一百三日鑒字太朗虎第三子也

晉書曰季龍十三子五人爲冉閔所殺八人自相殘害讖言滅石者陵尋而閔徙封蘭陵公季龍惡之改蘭陵爲武興郡至是終爲閔所滅石勒以成帝咸和三年僭立二主四子凡二十三年以穆帝永和五年滅

石閔

崔鴻十六國春秋後趙錄曰石閔字永曾虎之養孫也父

瞻字弘武本姓冉名良魏郡內黃人也其先漢黎陽騎督累世牙門勒破陳午於河內獲瞻時年十二長而勇悍便弓馬臨陣不顧勒奇之曰此兒壯健可嘉命虎子之歷位左積射將軍封西華侯閔幼而果銳虎撫之如孫及長身八尺善謀勇力絕人虎卽位爲脩武侯歷北中郎將虎之敗昌黎閔軍獨全由此功名大顯永興元年閔月司徒申鍾司空郎闔等四十八人上尊號於閔僭皇帝位于南郊大赦改元號稱大魏復姓冉氏追尊祖隆元皇帝考瞻烈祖高皇帝母王氏爲皇太后妻董氏爲皇后子智爲皇太子以司馬李農爲太宰諸子皆爲縣公新興王祇聞石鑿之死稱尊號于襄國改年永寧石祇遣相國汝陰王石琨帥衆十萬伐鄴六月進據邯鄲閔盡衆拒之琨軍大敗二年三月閔攻襄國百餘日祇懼乃去皇帝之號改稱趙王

遣太尉張舉乞師于慕容儁中軍張春請救于姚弋仲三月祇相國汝陰王琨自冀州救祇弋仲遣子襄帥騎三萬八千嚮遣將軍悅綽帥甲士三萬勁卒十三萬四方攻之祇衝其後閔師大敗閔與十餘騎奔還鄴祇使劉顯帥衆七萬追奔伐鄴閔盡衆出戰大敗之追奔至于陽平顯懼密使請降求殺石祇爲効四月劉顯殺祇及其丞相樂安王炳太保張舉等遣拜顯上大將軍大單于冀州牧祇炳皆虎之庶子也七月劉顯稱尊號襄國三年二月劉顯帥衆伐常山守蘇彥告難閔率騎八千救彥敗顯于常山追奔及于襄國顯大將軍曹伏駒開門爲應遂入襄國誅顯及其公卿已下百餘人焚襄國宮室遷其民于鄴三月慕容儁已尅幽薊略地至于冀州閔帥騎擊之與慕容恪遇于廣臺恪方陣而前閔衆寡不敵所乘赤馬曰朱龍日行

太平御覽卷第一百二十
九
千里潰圍出東奔二十餘里馬無故而死遂爲恪所擒送
之于薊儁立閔而問之曰汝奴僕下才何敢妄稱天子閔
曰天下大亂爾曹夷狄人面獸心尙欲篡逆我一時英雄
何爲不可作帝王耶儁怒鞭之三百遣慕容評帥衆圍鄴
五月送閔龍城告虜虢廟殺之鄴中餓人相食虎時宮人
略盡冉智尙幼蔣幹遣詹事劉猗奏表降晉八月長水校
尉馬願龍驤將軍田香開門降評蔣幹懸縋而出投于倉
垣評送閔后董氏太子智太尉申鍾及諸王公卿于薊初
慕容儁斬閔于遶陁山山左右七里草木悉枯蝗蟲大起
自五月不雨至于十二月儁遣使者祀之謚曰武悼天王
其日大雨雪是歲太和八年也

